

漢書地理志補注卷三十七

臨淮郡

常熟 吳卓信 編纂

通典漢——城在今泗州下邳縣 方輿紀要——

本楚國地今鳳陽府泗州以東揚州府之北境皆是或曰

——楚漢間東陽郡也後屬于楚郡廢 按漢——

今江蘇徐州府之宿遷睢寧二縣淮安府之山陽鹽城清

和安東四縣揚州府之甘泉縣及泰州江寧府之六合縣

又安徽泗州之盱眙天長二縣皆其地

武帝元狩六年置

地理志——故屬東陽郡楚漢之際屬楚國高帝五

年屬漢仍屬楚國六年屬荆國十二年屬吳國景帝四年屬江都國武帝元狩二年屬廣陵郡六年分置郡仍屬廣陵國宣帝五鳳四年復故賓漢書考異晉志漢武帝分沛東陽置——東陽楚漢之際所置郡也漢初屬吳國又云諸郡國皆書屬某州惟臨淮武都隴西金城天水武——張掖酒泉敦煌安定北地九真河間廣陽留川膠東高密泗水六安失書按——泗水當屬徐州留川膠東高密當屬青州河間廣陽當屬冀州北地當屬朔方六安當屬揚州九真當屬交州武都以下九郡當屬涼州 漢書商榷地志郡國一百三言所屬者凡七十九不言所屬者凡二十四詳考之其不言者皆疎漏非有義例也即如——

——不言何屬而其上文琅邪東海二郡皆云屬徐州則——之屬徐州無疑以此推之則其餘郡國之不言者皆疎漏可知且其所屬有冀兗青徐揚荆豫幽并益交司隸而獨無雍州改名之涼州亦皆疎漏耳

莽曰淮平

後書侯霸傳初為王莽淮平大尹

縣二十九

徐取慮淮浦盱眙盱猶僮射陽開陽贅其高山睢陵鹽濱淮陰淮陵下相富陵東陽播旌西平高平開陵昌陽廣平

陵襄平海陵輿堂邑樂陵

徐故國盈姓

春秋莊二十九年公會宋人齊人伐徐杜注一國在下邳
 一縣東南 史記黥布傳與楚戰一僮間索隱曰臨淮有
 一縣僮縣 水經濟水又東南過一縣北 水經注淮水
 又東逕一縣南歷澗水注之 又云蘄水又東南流入一
 縣紀歷澗又東逕大一縣故城南又東流注于淮 元和
 志今泗州郭下臨淮縣及一城縣並漢一縣地 寰宇記
 一城周十二里一偃王權造故名薄薄城今呼為故故城
 括地志泗州一城縣西四十里有大一城即古一國也
 方輿紀要一城廢縣在泗州西北五十里 大清一統
 志一縣故城在今泗州城西北州志云在州八十六里一
 漢書舉正盈當作羸左傳一羸是也 春秋地理不實

一于周初為一戎周穆王時一偃僭稱王穆王滅之別封
 其系以祀伯鬻故春秋時尚有徐也

至春秋時徐子章禹為楚所滅

左傳昭三十年吳子伐一防山以水之滅徐徐子章禹奔
 楚楚城夷以處之 伏滔壯征記一縣北有大冢即一君
 墓為延陵解劍之處 劉奉世曰為吳所滅非楚也誤

莽曰徐調

取慮

師古曰取音趨又音秋慮音廬 史記索隱秋問二音取
 又音子與反 十三州志取讀如星分陬訾慮若公羊邾
 婁之婁 按傳釋文引如淳說取音陬訾之陬慮音邾婁

之婁 左集韻入聲三燭部云取——縣名然則作入聲
矣 史記陳涉世家——人鄭布同起兵圍東海 水經
注睢水又東逕——縣故城北 後書楚王吳傳注——
故城在今泗州下邳縣西南 寰宇記——故城在今虹
縣北一百二十里 大清一統志——故城在今徐州府
睢寧縣西南鳳陽府虹縣北

淮浦

應劭曰淮涯也 水經淮水又東至廣陵——縣入于海
注云城臨側淮濱故受此名 禹貢錐指安東縣在淮安
府東北六十里本漢——縣淮水去縣二里海在縣東五
十餘里自鹽城縣東北經山陽縣東折而西北爲淮水入

海之口其北岸則安東也縣志云自縣西三十里顏家河
渡直下過縣南東流五十里又東北過雲梯關折旋入海
向書後案費誓云徂茲淮夷徐戎並興又詩常武曰率
彼——省此徐土又曰截彼——王師之所左傳僖十三
年曰淮夷病杞此皆淮北之夷在徐州之域者也漢臨淮
郡有——縣今爲淮安府安東縣淮水從此入海也 大
清一統志——故城在今淮安府安東縣西安東郡唐漣
水縣元和志通典皆以漣水爲漢去猶縣地去猶爲今宿
遷縣相去二百餘里中隔泗陽凌縣其境不得到此以漢
志及水經注考之今縣之爲——無疑矣

游水北入海

水經注淮水于——縣枝分北爲游水歷朐縣與沐水合
又北至贛榆縣入海爾雅曰淮別爲澣游水亦枝稱者也
寰宇記漣水縣北漣水西自沐陽縣界分流南入縣界
在沐陽名漣水入縣界名北漣水南流四十九里與南漣
水合流 大清一統志漣河在今安東縣北源出碩護湖
分爲三日中漣東漣西漣卽古游水也 按封禪書有游
水發根晉灼曰游水在——發根人姓名是也師古以游
水爲姓發根爲名誤

莽曰淮敬

盱昭

史記續志並作盱台 應劭曰音吁怡 鄭玄曰音煦怡

韋昭曰音吁夷 史記正義吁况于反盱以之反 集

韻通作盱怡 史記項羽本紀項梁乃求楚懷王孫民間

立以爲楚懷王從民所望也陳嬰爲楚上柱國封五縣與

懷王都盱台 王子侯表——侯蒙之武帝元朔元年以

江都易王子封 阮勝之南兖州記——山在——縣東

四十里縣蓋因山以名也——本吳善道地秦置縣許慎

曰張目爲盱舉目爲怡城居山上可以遠眺故曰——

水經注淮水又東歷客山逕——縣故城南 通鑑地理

通釋——山名在縣東南四十里一名馬鞍山古謂之客

山 寰宇記義帝祠在——縣東一里臺子山上 大清

一統志——故城在今泗州——縣東北縣志云在縣東

北盱山之麓——山在縣東四十里 按春秋襄五年會
吳于善道杜注闕公穀並作善稻范甯曰善稻吳地亦不
言所在惟南兖州記以——爲卽吳善道地未審其確存
以俟考

都尉治莽曰武匡

水經注作匡武

公猶

說文作𠂔猶云𠂔高氣也从口九聲臨淮有𠂔猶縣 集

韻作𠂔隋 師古曰𠂔音仇 水經注泗水又逕宿豫城

之西又逕其城南今城在泗水之中也 通典泗州漣水

縣漢——縣也 元和志今泗州宿遷縣本春秋時宋人

遷宿之地至漢爲——縣又漣水縣亦——縣地沐水俗

名漣水西南自海州沐陽縣流入漣水縣 寰宇記淮陽

軍宿遷縣春秋時鐘吾子之國亦宿國所遷之地南附于

宋東逼于魯遂內遷其人而更封其君也漢爲——縣晉

爲宿豫縣唐時以犯代宗諱改曰宿遷 通雅漢之——

今泗州也後沒于湖 大清一統志——故城在今徐州

府宿遷縣東南

莽曰秉義

七校水經注水經注泗水篇云泗水又東南逕宿預城之

西又逕其城南故下邳之宿留縣也王莽更名曰康義按

水經注引漢志有爲今書所無者或是闕文然亦有絕非

闕文而出于酈氏之妄者西京無下邳郡下邳東海郡之屬縣耳安得下邳郡有宿留縣乎本無此縣又何以云王莽更名之曰康義乎 水經注釋宿豫故城在今邳州宿遷縣東南漢臨淮郡——縣之境也東漢省晉義熙中置宿豫縣班志——縣下云莽曰秉義康秉字形相似道元引之蓋實宿豫即——也而不著——之名是其疎漏之過如以爲造作無端則太甚矣

潼

舊作僮誤 本書匡衡傳封——之東安鄉水經注淮水又東至嶮石山——水注之水首受——縣西南——陂東南流入淮 又云睢水又東與——水故瀆會故瀆山承——縣西南

——陂東北流逕——縣故城北又東北逕睢陵縣下會睢

又云蘄水又東南逕——縣南 後書沛獻王傳注——縣故

城在今泗州宿豫縣西南 通典漢——縣故城在今泗

州宿遷縣西南 元和志——山在靈璧縣東北七十里——

水出焉——陂亦名萬安湖亦名——口——在虹縣北五里周二

十里 寰宇記——故城在今虹縣東北七十里 大清一

統志——縣故城在今泗州東北秦縣漢書灌嬰攻下相以

南——取慮是也縣志云有——都城在縣北一百二十里——

河在今睢寧縣東南白鳳陽府虹縣流入下流即桃源宿

遷二縣之白洋河也 地理志稽疑宜依水經注作潼蓋縣以漳水得名也

莽曰成信

射陽

應劭曰縣在射水之陽 水經注中瀆水自廣陵出山陽

白馬湖逕山陽城西卽一一縣之故城也又東謂之山陽

浦又東入淮謂之山陽口 後書臧洪傳注一一故城在

今楚州安宜縣東 史記正義射音食夜反 通典今楚

州所理山陽縣漢一一縣也 元和志今楚州戰國時屬

楚秦屬九江郡漢爲一一縣之地 舊唐書地理志山陽

東南有一一湖 寰宇記一一湖在今楚州山陽縣東南

八十里漢書廣陵王胥有罪其相勝之奏奪王射陂卽此

與鹽城寶應三縣分湖爲界縈回三百里 文獻通考楚

州春秋時屬吳吳將伐齊自廣陵掘江通淮卽此也 方

輿紀要淮安府山陽縣本漢一一縣地晉義熙中置縣爲

山陽郡治以境內有山陽津而名山陽瀆在府城東卽古

邗溝也一一故城在鹽城縣西九十里西征記曰吳王濞

反于廣陵一一侯率衆至山陽拒之卽此 江南通志吳

于故廣陵城東南築邗城城下掘深溝東北至一一湖西

北至末口末口在楚州山陽而一一湖亦在楚州 大清

一統志一一故城在合淮安府山陽縣城東南一一湖在

縣東南七十里與鹽城阜寧寶應分界周三百里卽古射

陂也 按功臣侯表有一一侯劉繆高祖六年封師古曰

卽項伯也射字或作貫者後人所改

莽曰監淮亭

開陽

按東海亦有此縣

贅其

外戚侯表高后四年封呂勝爲——侯 師古曰贅音之

銳反 方輿紀要——城在今泗州盱眙縣西

高山

應劭曰——在東南

睢陵

師古曰睢音雖 水經注睢水又東逕——縣故城北又

東與潼水故潼會 後書陶謙傳注——縣在下邳縣東

南 輿地廣記漢——故城在淮陽軍下邳縣 輿地紀

勝——縣在今盱眙軍招信縣南六十里 寰宇通志漢

——縣在今淮安府邳州治東南 大清一統志——故

城在今泗州盱眙縣西縣志云在縣西五十里 按史記

王子侯表武帝元朔元年封江都易王子定國爲——侯

漢表作淮陵據本志淮陵——二縣並屬臨淮而水經注

則以定國所封爲——也

莽曰睢陸

鹽濱

阮勝之南兖州記縣有鹽亭一百二十三所縣人以前煎鹽
爲業略不耕種擅利巨海用致饒沃公私商運充實四遠

軸轡往來恒以干計此吳淠所以國富兵強而抗衡漢室也
 通典楚州鹽城縣本漢一縣 寰宇通志鹽城監在鹽城縣南即古鹽亭為歷代海岸煎鹽之所南唐改為監本朝置鹽課司 大清一統志一故城在今淮安府鹽城縣西北
 有鐵官

淮陰

史記一一侯傳嘗數從其下鄉南昌亭長寄食張晏曰下鄉鄉名屬一一劉昭曰下鄉有南昌亭韓信寄食處 本書周亞夫傳鄧都尉曰吏輕兵絕淮泗口塞吳鑲道 水經淮水又東北至下邳一一縣西泗水從西北來流注之

又東過一一縣北中瀆水出白馬湖東北注之注云淮泗之會即角城也左右兩川翼夾二水夾入之所所謂泗口淮水石岸即一一也又東逕一一縣故城北縣有中瀆水首受江中瀆水又東謂之山陽浦又東入淮謂之山陽口又云一一城北臨淮水城東有兩冢西漂母冢東韓信母冢 史記正義一一今楚州一一縣 寰宇通志一一縣在今淮安府城西四十里秦置 方輿紀要一一城在淮安府西北四十里秦縣楚漢間嘗為東陽郡治漢為一一縣韓信以楚王改封一一侯是也 大清一統志一一故城在今淮安府清河縣東南縣志云在東南五里

莽曰嘉信

淮陵

通典漢——縣故城在今泗州下邳縣東南又濠州招義縣亦漢——縣地 寰宇記——故城在今泗州招信縣西北二十五里 大清一統志——故城在今泗州盱眙縣西北縣志云在縣西北八十五里

莽曰淮陸

下相

史記項羽本紀——人 本書功臣侯表高祖十二年封冷耳為——侯 應劭曰相水名出沛國沛國有相縣其水下流又置縣故名——也 北征記下邳西南有石崇西文碑云項羽井在——城 水經注睢水又東南流逕

——縣故城南應劭曰相水出沛國相縣故此加下然則相水又是睢水之別名也南東流入于泗謂之睢口 又云泗水又東南逕——縣故城東又東南得睢水口 括地志——故城在泗州宿豫縣西北七十里秦縣也 寰宇通志下相城在今淮安府邳州城西南一名項城相傳項羽所生之處 大清一統志——故城在今徐州府宿遷縣西舊志云——社在縣西七里又有項王故城在運河西三里項羽里在舊縣治北一里

莽曰從德

富陵

史記荆燕世家高祖十一年黥布反東擊荆荆王劉賈與

戰不勝走——為布軍所殺 括地志——故城在楚州
盱眙縣東北六十里 大清一統志——故城在今泗州
盱眙縣東北

莽曰櫟虜

師古曰櫟音朔 漢書考異考說文廣韻俱無櫟字以師
古音推之當是櫟之譌也集韻四覺部有櫟字知北宋本
已譌

東陽

史記項羽本紀聞陳嬰已下——使使與連和 括地志
——故城在楚州盱眙縣東七十里秦——縣城也 通
典秦——縣城在盱眙縣南陳嬰為——今史即此 寰

宇記——故城周圍約十餘里 輿地紀勝秦——城在
今盱眙縣東七十五里 大清一統志——故城在今泗
州天長縣西北秦置縣志云在縣西北七十里故址尚在
俗謂之屈城 按功臣侯表——武侯張相如高帝十一
年封索隱曰臨淮是也寰宇記以為清河之——者誤

潘旌

續志作潘旌 集韻作下平聲八戈部作潘旌 張晏曰
陳嬰母——人墓在—— 史記索隱——是邑聚之名
後為縣屬臨淮

莽曰著信

西平

按恩澤侯表有——安侯于定國注曰臨淮而水經注以爲汝南據本志臨淮汝南並有——縣而皆不云侯國所未審也

莽曰永聚

高平

本書孝武紀元鼎四年詔曰朕臨天下二十八年天下遺朕土而大通焉其以二千石封地士將軍樂大爲樂通侯韋昭曰言樂大能通天意故封之樂通樂通在臨淮——縣也 水經注洙水又南至——縣南入于泗水西有茅鄉大城東去——三十里京相璠曰今——縣西三十里有故茅鄉城者也 大清一統志——故城在今泗州北

侯國

恩澤侯表——戴侯王逢時元帝河平二年封 按恩澤

侯表又有——憲侯魏相王子侯表有——侯喜並卽此

莽曰成邱

開陵侯國

功臣侯表——侯建成武帝元封元年封

莽曰成鄉

昌陽侯國

王子侯表——侯霸成帝永始二年以泗水戾王子封

廣平侯國

王子侯表——節侯德元帝建始四年以廣陵孝王子封

按功臣侯表有——按侯薛歐高祖六年封亦即此
莽曰平寧

蘭陵

新校地理志東海亦有——當亦一地而為二縣也

侯國

王子侯表——節侯宜元帝建始五年以廣陵孝王子封

莽曰建節

襄平侯國

王子侯表——侯豐元帝永光五年以廣陵厲王子封

按功臣侯表高祖八年封紀通為——侯索隱曰臨淮是也而水經注以為遼東之——誤矣

莽曰相平

海陵

春秋哀十二年公會衛侯宋皇瑗于鄭社注鄭發陽也廣

陵——縣南東有發繇口 戰國楚策蘇秦說威王曰楚

地東有海陽吳補注云盧莊用曰海陽在廣陵今陽州——

——縣 本書枚乘傳上書吳王曰轉粟西鄉不如——之

倉臣瓚曰——縣名也有吳太倉 輿地紀勝以其地傍

海而高故曰——方輿紀要今揚州府泰興縣秦州如

臯縣通州海門縣並漢——縣地 大清一統志——廢

縣即今揚州府泰州治 又云按後漢志無——而不詳

省入何縣據沈約志但云三國時廢則是後漢時其縣故

存而志脫誤也又三國吳志呂岱傳廣陵一一人爲郡縣
吏避亂南渡詣縣權則是漢末一一未廢卽沈約志所云
晉大康二年復立者亦未可信至晉志廣陵所統縣有海
陽而無一一以前漢志一一有江海會祠及晉志祠在海
陽推之知海陽卽一一耳

有江海會祠

禹貢雖指江海會者謂江入海處也 大清一統志江海

神祠在今通州狼山上歲以七月十九日致祭

莽曰亭間

輿

大清一統志一縣故城在今揚州府甘泉縣西四十五里

新校地理志按晉書徐寧傳寧爲一縣令時廷尉桓彝
去職之廣陵尋親舊還遇風一中上岸見一解署云是
一縣爨造之據此則與海陵一相近

莽曰美德

堂邑

左傳襄十四年楚子囊師于棠以伐吳 又昭二十年伍

奢長子棠君尙杜注棠君奢之長子尙爲棠邑大夫 史

記刺客傳專諸吳一一人 本書功臣侯表高祖六年封

陳嬰爲一一侯 說文鄞地名从邑鄞聲 續郡國志

春秋時曰棠 玉篇鄞鄞二邑同續漢書廣陵鄞邑也

通典今揚州六合縣楚棠邑伍尙爲棠邑大夫卽此

寰宇記六合古一一晉立一一郡 九域志真州六合
縣楚之棠邑也 大清一統志一一故城在今江寧府六
合縣北

有鐵官

續郡國志一一縣有鐵

樂陵侯國

恩澤侯表一一安侯史高宣帝地節四年封 按本志臨
淮平原並有一一縣而屬臨淮者曰侯國

漢書地理志補注卷三十八

會稽郡

常熟 吳卓信 編纂

本書嚴助傳武帝賜書曰一一東接於海南近諸越北枕
大江 元和志越王無疆為楚所滅楚以其地併吳立為

一一一一 國語補音一一古外反一一古兮反 方輿紀要一

一一一一今蘇松常鎮諸府及浙江境內州郡皆是 皇朝文
獻通考周官職方以一一為揚州山鎮漢代因之以立郡
今之浙東浙西皆古一一地也 按漢一一一一今江蘇

蘇州府之吳崑山二縣常州府之武進無錫宜興三縣鎮
江府之丹徒丹陽二縣又浙江紹興府之山陰蕭山諸暨

餘姚上虞嵯六縣杭州府之錢塘富陽餘杭三縣寧波府之鄞慈溪奉化三縣嘉興府之嘉興平湖二縣金華府之義烏縣衢州府之龍游縣湖州府之烏程縣暨溫臺處三府又福建全省皆其地

秦置

史記始皇本紀二十五年王翦定荆江南地降越君置
——寰宇記秦滅楚以越併入吳立——

高帝六年爲荆國

本書高帝紀六年以故東陽郡鄣郡吳郡五十一縣立劉賈爲荆王 史記索隱劉賈爲荆王乃王吳地在淮東也姚察按虞喜云總言吳別言荆者以山命國也今西南有

荆山在陽羨界賈封吳地而號荆王指取此義 地理志

稽疑吳郡楚漢之間分會稽置見高紀以封開王劉原父

曰鄣吳疑皆地名非郡名殊不然也灌嬰傳擊吳郡長于

吳下虜其守因定吳——豫章則明是——之外別有吳

郡不可以——卽爲吳也功臣表亦曰周聚擊英布定吳

郡然則前志所云江都廣陵二王得鄣不得吳明是二郡

名也厚齋曰吳郡楚漢之間所置是也顧亭林力主無吳

郡之說愚不謂然何焯曰——治吳故稱吳猶之東海治

郟故稱郟其說亦似然觀灌嬰傳則——與吳非一郡明

矣故高紀與吳濞傳稱二郡者據後并省言之也伍被傳

稱四郡則據當時分置言之也四郡者東陽鄣——吳也

梅磧以豫章當之不知豫章屬淮南不屬潁而潁之豫章乃鄣郡之譌也

十二年更名吳

本書高帝紀十二年封沛侯劉濞爲吳王 水經注順帝永建中陽羨令周嘉上書以縣遠赴會至難求得分置遂以浙江西爲吳東爲——漢高帝十二年亦吳也後分爲三世號三吳吳郡吳興——也

景帝四年屬江都

會稽典錄——太守濮陽興問門下書佐朱育曰吾聞秦始皇二十五年以吳越地爲——治吳漢封諸侯王以何年復爲郡而分治于此育對曰劉賈爲荆王爲英布所

殺又以劉濞爲吳王景帝四年濞反誅乃復爲郡治于吳元鼎五年除東越因以其地爲治并屬于此而立東部都尉後徙章安陽朔元年又徙治鄞或有寇害復徙句章劉永建四章劉府君上書浙江之北以爲吳郡——還治山陰 三劉刊誤劉敞曰景帝四年封江都王得鄣郡而不得吳名曰江都然則——不得云屬江都 輿地紀勝紹興舊圖經云吳王濞敗後復爲江都國江都王有罪國除乃更爲郡按漢志——景帝四年屬江都劉貢父云江都王得鄣郡而不得吳則——不得云屬江都也吳朱育以強記稱其對濮陽興亦云吳王濞敗後爲郡治于吳亦不及屬江都事但晏公類要入云吳王濞反誅復爲——

一後復屬江都國武帝元狩二年更爲郡觀晏公所記與
貢父朱育所記不同考晉志云景帝四年封王子非爲江
都王併得鄣一一郡沈約宋志云一一漢初屬吳國吳
王濞反敗屬江都國與貢父所注亦不同沈約吳郡人去
漢不遠必有所據漢志注亦云景帝四年屬江都當從晉
志及宋志曰屬江都國 秦漢郡國考按武帝建元三年
遣嚴助發一一兵救東甌一一守欲拒法不爲發嚴助朱
買臣相繼爲一一太守並當易王非及子楚王江都時謂
景帝四年屬江都志之美文也 新校地理志景帝三年
濞反國亡以其地屬江都易王非也至武帝元狩二年非
子王建坐謀反自殺始爲郡史記五宗世家云非以孝景

前二年爲汝南王二歲徙爲江都王治吳故國

屬揚州縣二十六

吳曲阿烏傷毗陵餘暨陽羨諸暨無錫山陰丹徒餘姚婁
上虞海鹽剡由拳大末烏程句章餘杭鄞錢塘鄞富春冶
回浦

吳故國周太伯所邑

史記吳太伯世家太伯奔荆蠻自號句一一及武王克殷求
太伯仲雍之後得周章周章已君一一因西封之 春秋世
族譜一一姬姓周太王之子太伯仲雍之後太伯無子而卒
仲雍嗣之武王封其曾孫周章于一爲一一子 吳越春秋
太伯起城周三里二百步外郭三百餘里在西北隅名曰

故城闔閭元年造大城周回二十七里又築小城周十里
又云闔閭使伍子胥相土嘗水造築大城周四十七里
陸門水門各八 越絕書吳大城闔閭所造周四十七里
二百一十步二尺 皇覽一縣北梅里聚去城十里 釋
名句者夷俗之發聲一虞也封太伯于此以虞其志也
杜預左傳注一國今一郡 世本諸樊始自梅里徙一
續志注補無錫縣東皇山太伯舊宅井猶存 董覽吳地
記太伯築城于梅里平墟 陸廣微吳地記壽夢始別築
城爲宮室于平門西二里周敬王六年闔閭始使子胥築
大城亦曰闔閭城 史記正義荆王劉賈都吳蘇州闔閭
城也 史記灌嬰傳渡江破一郡長一得一守遂定一

豫章會稽郡索隱曰下有郡守此長卽令也如淳以爲雄
長非是 本書梅福傳其後人有見福于會稽者變名姓
爲一市門卒 通典今蘇州所理一縣漢舊縣春秋一國
之都也 元和志一闔閭所都秦置縣屬會稽郡故項
羽擊殺會稽假守通而云遂舉一中兵是會稽治一縣也
寰宇記太伯初適吳築城在平門外太伯至王僚二十
三王都之今常州無錫縣東南四十里有吳太伯城是也
闔閭始築吳郡城都之今蘇州城是也 城邑考蘇州府
城卽闔閭故城周敬王六年吳闔閭時子胥謀國相土嘗
水象天法地以築大城周回四十二里三十步小城八里
二百六十步開陸門八以象天之八風水門八以法地之

八卦其名皆子胥所制東曰婁曰匠西曰閭曰胥南曰盤
曰蛇北曰齊曰平 大清一統志一城卽今蘇州府治
江南通志按此自太伯始號句吳至王僚二十三世所都
皆在吳縣地不自闔閭城吳都始後漢郡國志乃云無錫
縣東皇山太伯舊宅并猶存臣昭以爲卽宅爲置廟不如
皇覽所說句吳之號創自太伯周章肇封實始武王無錫
一地非一國也一國則今一縣是已劉昭以一時聞見駁
繆口等參撰之書易班氏不刊之注且三讓遺跡吳民所
共修敬傳聞異辭隱桓之世爲遠吳郡敕山累代褒崇常
熟梅里亦有傳疑何必無錫便爲確證諸書悉祖劉說今
斷從班志 又云按通典無錫太伯始居此梁劉昭補後

漢郡國志始有無錫爲句吳之說張守節史記正義又以
系本諸樊徙吳之文遂云太伯居梅里在無錫諸樊南徙
吳今蘇州也自周章至壽夢十七世君吳矣乃云諸樊徙
吳卽無錫亦非吳此可據乎張氏復遷就其說以無錫爲
句吳蘇爲吳顏師古曰吳言句者夷之發聲猶言於越耳
司馬貞史記索隱曰系本云孰姑徙句吳貞實吳人不聞
別有城邑謂名句吳系本或難依信杜氏未經詳考竟沿
訛至今又按吳越春秋云太伯築城周三里二百步外郭
三百餘里寰宇記云太伯築城在平門外今無錫縣東南
四十里太伯城是也平門吳大城之北水門此謂吳太伯
外城西北界在無錫可矣又張氏云梅里在無錫東南六

十里今縣志云三十里古今遼隔蓋附會多矣
具區澤在西揚州藪古文以為震澤

禹貢震澤底定孔傳震澤即吳南太湖 夏官職方揚州
澤藪曰具區五湖在吳南賈疏吳南郡名依地理志南江
在吳南震澤在西通而言之亦得在吳南具區即震澤一
也 爾雅十藪吳越之間有具區郭注今吳縣南太湖即
震澤是也 左傳哀元年吳王夫差敗越于夫椒杜注吳
郡吳縣西南太湖中椒山 又哀十七年越伐吳吳子禦
之笠澤 越語句踐之地西至于姑蔑韋注姑蔑今太湖
是也 又云敗吳于囿韋注囿笠澤也 又云王果興師
伐吳戰于五湖不勝韋注五湖今太湖也五湖者胥湖蠡

湖洮湖漏湖就太湖而五實一湖也方圓五百里 越絕
書太湖周三萬六千頃 史記河渠書于吳則通三江五
湖 虞翻川瀆記太湖東通松江南通霅溪西通荆谿北
通漏湖東連葑溪凡有五道故名五湖 張勃吳錄太湖
周于五百里故名五湖 郭璞山海經注具區今吳縣西
南太湖也尚書謂之震澤 水經注南江東注于具區謂
之五湖口五湖謂長塘湖太湖射湖貴湖漏湖也尚書謂
之震澤爾雅以為具區方員五百里 郭景純江賦曰注
五湖以漫漭蓋言江水經緯五湖而苞注太湖也是以國
語曰越伐吳戰于五湖又云范蠡滅吳返至五湖而辭越
斯乃太湖之兼攝通稱也 史記正義五湖者菱湖游湖

莫湖貢湖胥湖皆太湖東岸五灣 顏真卿石柱記太湖四萬八千頃 元和志太湖在今蘇州吳縣西南五十里禹貢謂之震澤周禮謂之具區湖中有山曰洞庭山 新唐書地理志太湖占蘇常湖宣四州之境 吳郡圖經續記太湖吐洩江海所容者大故以太名 義興記太湖射湖賈湖陽湖洮湖是爲五湖 地理通釋太湖在吳縣西南五十里太史公上姑蘇望五湖太湖周五百里故曰五湖 今水經太湖禹貢曰震澤職方曰具區縱廣三百八十三里周三萬六千頃跨湖宣蘇常四郡距湖州府城北二十八里蘇州府城西南三十里常州府城東南一百里連武進無錫宜興三縣界其上流自西南而來者爲苕溪

西北來者爲荆溪苕溪有二一出杭州天目山由於潛臨安東流過餘杭縣治南經錢塘縣境東北流至湖州府治東南入于霅溪一出湖州天目山至安吉州合獨松嶺溪水東流經府城南爲霅溪至府城東南與杭州苕溪會北流注于太湖荆溪在金壇縣北源出右荆州城流入常州界宜興縣荆南山北上通蕪湖下注震澤震澤分流入于海其東北流者經吳縣東同運河爲吳江至蘇州府城東播爲婁江至崑山縣東南六里爲新洋江至太倉州東爲劉家沙入于海其東南流者過三泖一名華亭谷水在松江府城西南三十六里以近山口圓者曰圓泖近泖橋闕者曰大泖自泖而上縈繞百餘里曰長泖經松江府城北

七十二里爲松陵江一名吳淞江經華亭西南入于黃浦黃浦在松江府城東南一十八里又東北流至上海縣入于海 禹貢長箋按職方具區卽禹貢震澤孔氏書傳鄭氏周禮注所云在吳南者是也但以爲卽五湖則未然職方氏諸州皆有澤藪不應揚州水國反獨無之而與浸同處孔鄭所云吳南者漢吳縣治之南也吳縣治之南爲今吳江至嘉興一帶禹時懷襄未平三吳一壑具區當于其地求之若五湖卽今太湖自環吳縣境之西北豈可合之爲一哉具區之源當與太湖俱來茗雪而水草所鍾淺而易溢太湖水西來汜濫則澤水奔騰震蕩自底定之後始可陂障沮洳數十百里民仰其利故爾雅謂之藪職方謂

之澤藪而五湖則別之曰浸迨乎日久填淤生殖漸繁遂成沃壤漢後諸儒求其地而不得遂合五湖而一之正義又曲爲之說豈知三代以前固有澤浸不同者哉吾意今吳越之交凡濱湖而沃衍者皆古震澤地特世代荒遠川隰更移故其蹟不可詳耳抑非獨此也爾雅周禮所載諸州澤藪如陽紆猷養大陵甫田焦穫等今皆變爲原陸不能定其所在蓋川浸通流終古不改藪澤稀水最易澱淤歷數千年而湮沒不可考無足怪者奚獨具區爲然耶 禹貢雖指周禮揚州浸曰五湖據國語史記吳越春秋則卽是太湖諸家之說雖名稱各殊道里互別然皆在太湖上下二三百里之間惟李善以洞庭彭蠡震澤巢湖鑑湖

爲五湖司馬貞以具區洮漏彭蠡青草爲五湖夫洞庭青草在荆域而以爲五湖之一則顯與職方相背矣 又云具區五湖明是兩處而孔傳謂太湖名震澤正義爲之辭曰徐州浸藪各異而揚州浸藪同處論其水謂之浸指其澤謂之藪此說非也葉少蘊云凡言藪者皆人所資以爲利故曰藪以富得民而浸則但水之所鍾也揚州之藪爲震澤今平望入赤震澤之間平望入赤震澤皆市鎮名水瀾漫而極淺其蒲魚蓮芡之利人所資者甚廣亦或隄而爲田與太湖異所以謂之澤藪然積潦暴至無以洩之則溢而爲害所以謂之震澤黃子鴻申其義曰今土人自包山以西謂之西太湖水始淵深自莫釐武山以東謂之南湖水極灘

淺蓋卽古之震澤止以上流相通後人遂混爲之太湖誤矣予按此辨周官之藪浸極其明晰蓋自莫釐武山以東至平望入赤之間松江左右笠澤之地皆古具區禹貢謂之震澤者也班志云在吳西亦未當 尙書地理今釋震澤卽太湖介于江南浙江之間今江南蘇州府吳吳江二縣常州府之武進無錫宜興三縣浙江湖州府之烏程長興二縣皆其所分隸也 水道提綱太湖卽古震澤亦名具區又名笠澤又名五湖環江浙二省之交蘇常湖三府十三縣地湖中山最大者曰兩洞庭其南近湖州府城名小雷山西南近長興名小雷山也其東近蘇州府城曰林屋卽包山曰莫釐山曰靈巖山曰天平山曰穹窿山其南

曰胥口兩洞庭東西相望水光接天支港無數 按呂氏春秋云吳之具區淮南子云越之具區高誘注具區在吳越之間其說蓋本之爾雅第具區震澤五湖太湖或合或分迄無定論據職方揚州云其浸五湖與具區並列不應一水而互見其名况藪與浸異不得混而爲一然舍太湖而別求具區所在測望地形終無實驗知舊說未可廢矣且五湖爲揚州之浸而地志不書益可知具區之卽爲五湖矣左傳哀十七年越伐吳吳子禦之笠澤杜無注而史記仲尼弟子傳及越絕書並作戰于五湖索隱云左傳稱笠澤卽謂震澤此亦可見五湖卽具區之證

南江在南東入海揚州川

禹貢三江旣入震澤底定 夏官職方揚州其川三江按三江之說紛如聚訟予獨以班氏之說爲長主班說者極多予獨以近時嘉定錢氏之辯爲暢因備錄于此以俟明者 錢唐三江辨其上篇曰禹貢之三江職方之三江也班孟堅地理志謂南江在吳縣南入海北江在毘陵縣北入海中江出蕪湖縣西南東至陽羨入海皆揚州川此釋職方也卽釋禹貢矣自鄭康成注尙書始別爲之說曰左合漢爲北江右會彭蠡爲南江岷江居其中爲中江若然則自夏口以北者北江也湖口以南者南江也夏口以至湖口者中江也而自湖口以下惟有一江以禹貢導水經文質之于漢曰東匯澤爲彭蠡東爲北江入于海于江

曰東迤北會于匯東爲中江入于海則自湖口而下分爲三江殆不如康成之說矣揆孟堅所言江過湖口實分爲三而以行南道者爲南江行北道者爲北江行中道者爲中江合乎禹貢導水之經誠不易之論也考之水經沔水自沙羨縣北南入于江合流至居巢縣南東至石城縣分爲二其一東北流過牛渚毘陵以入海者爲北江自石城東入貴口至餘姚入海者爲南江自丹陽蕪湖縣東至會稽陽羨入海者爲中江具載沔水經文及附記中皆與孟堅合惟孟堅謂南江從吳縣南入海耳然孟堅又謂石城分江水首受江東至餘姚入海酈道元引桑欽地理志亦謂江水自石城東出經吳國南爲南江蓋餘姚入海之江

卽吳縣南入海之江也餘姚吳縣之間爲由拳海鹽馬程餘杭錢塘諸縣南江由之入海固在吳國之南國後爲縣是以孟堅志南江入海處旣系之餘姚又系之吳縣也水經附記不詳中江所繇而今尙有其迹自揚行密築五堰江流始絕永樂時設三壩則陸行者十八里矣然自銀林以西鄧步以東其流固在也可知二江雖自石城蕪湖分行而同會具區故酈道元以南江卽合于浙江浦陽江之谷水而咸淳毘陵志以荆溪爲中江惟北江自從毘海入海耳此足以證三江之實有其三非如康成之合爲一江也且二家之是非愚請以左氏內外傳折之吳語云吳王夫差起師伐越越王句踐起師逆之江卽內傳哀公元年

之敗越于夫椒也又曰越王句踐乃率中軍泝江以襲吳入其郛卽經書十二年於越入吳也又曰吳王軍于江北越王軍于江南卽內傳十七年越子伐吳也十七年之內傳以爲笠澤而外傳以爲江則笠澤卽江矣其元年十二年之外傳以爲江者亦卽此江矣韋昭曰江吳江也又曰江松江去吳五十里是已笠澤也吳江也松江也實出自具區之一江左氏謂之江則中江之自陽羨入海明矣是故今之松江卽古之中江也若夫外傳之名南江爲江也則伍員范蠡之言三江舉之矣員謂吳越之國三江環之蠡謂吳與越爭三江五湖之利以二國在江湖間也許慎謂江水東至會稽山陰爲浙江闕駟謂江水至會稽與浙

江合酈道元謂南江于海鹽縣秦望山東出爲澈浦其枝分歷烏程餘杭二縣與浙江合浙江于餘暨東合浦陽江自秦望分派東至餘姚又爲江此南江與浙江浦陽分合之迹也越語言句踐之地南至于句無北至于禦兒東至于鄞西至于姑蔑韋昭以爲今諸暨嘉興鄞縣太末之地然則中江以南爲越中江以北爲吳而南北二江分行二國王都之北是爲三江環之而二國之必爭其利不待言矣韋昭以松江錢塘浦陽爲三江然錢塘何江乎卽浙江也浙江從餘姚入海南江旣先後合于浦陽浙江則止一江耳烏得而二之是故今之錢塘江卽古之南江也可知孟堅之說與左氏內外傳合而康成則否卽二家之是非

判然矣宗康成者曰漢志所謂中江南江皆吳通江于湖之道耳不得爲禹貢之三江然我聞吳嘗溝通江淮矣不聞其溝通江湖也說者皆援史記河渠書爲據不知史記固言通渠三江五湖未嘗謂通江于湖也今江湖之間枝渠相通者甚多安知非吳人所爲而可以爲卽此二江乎使吳果通此二江曷爲記無明文若在左氏所云掘深溝于商魯之間北屬之沂西屬之濟也况二江上流內傳亦有可考者襄公三年楚重子伐吳克鳩茲杜預謂在丹陽蕪湖縣東劉昭據以注郡國志蕪湖中江在西之文是楚克吳中江以東邑也哀公十五年楚子西子期伐吳至于桐汭杜預謂宣城廣德縣西南有桐水此卽酈道元所謂

南江逕宣城之臨城縣南又東與桐水合者是楚又越南江而東矣此必二江當吳楚之交故楚之伐吳皆越二江足以明非吳人姑爲之也地志曰高淳之中江爲胥溪謂伍員伐楚時所鑿此附會之說耳內傳定公四年蔡侯吳子唐侯伐楚舍舟于淮汭自豫章與楚夾漢不聞由胥溪也其地有五牙山卽魏氏春秋所謂烏邪山者而今謂之伍員山此名中江爲胥溪之所由來矣然則江漢旣合後之分而爲三也孰從辨之曰漢源于北故以北江屬之江源于南故以中江南江屬之江漢各爲瀆故各自入海所謂江漢朝宗也使合而爲一漢安得有入海處耶曰孟堅于蒯氏道何以言江水至江都入海曰北江中江禹貢雖

分屬江漢已同謂之江矣孟堅烏得不謂之大江以北江爲江可也以爲無南江中江不可也如此而已矣江既有三禹貢何以僅書其二曰北江固宜書書中江者舉中以見南也言中江而南江見言南江而中江不見故舉中焉耳曰康成之說經學之宗也子奈何非之曰予豈不宗康成顧質之經傳而不合故不敢從焉耳禹貢三江之注不復見于職方安知非康成已自悟其失歟然則予之不從康成未必非康成之意也郭景純庾仲初何如曰景純之說孟堅之說也孟堅志其地景純述其名仲初則一隅之見耳我無取焉其下篇曰予既考定禹貢三江以班固之說爲確不可易因思此說也孔穎達尙書正義已用之而

蔡氏集傳之所用者則庾仲初之說卽穎達所謂今南人以大江不入震澤震澤之東別有松江等三江者也予考仲初所云東江者卽漢志之南江從吳縣南至餘姚者也其云松江者卽漢志之中江從陽羨入海者也惟舍北江不數而顧數婁江爲失之水經注亦言松江自湖東北流經七十里江水奇分謂之三江口則仲初所言尙未大謬而不得爲禹貢之三江者禹貢導源于彭蠡仲初導源于震澤所起不同故也夫導源于彭蠡者上流之三江也導源于震澤者下流之三江也下流之三江係東吳一隅上流之三江係揚州全域禹之導江漢以入海也爲一隅耶爲全域耶此易知也仲初之意謂三江入海然後震澤底

定若三江必悉出于震澤而揚州之患亦無大于震澤之不定者則偵矣夫揚州之患不在震澤而在江漢震澤偏處下流其爲患小江漢則遠自雍梁數千里之外由荆入揚其匯爲彭蠡也適當揚之上流揚州之境所以盪爲洪波有陸沈之嘆者由江漢不能朝宗反挾彭蠡之水奔涌四出不可禁制故也豈止一震澤之未定也哉禹疏爲北江導江漢之水使之安瀾入海上流鬱怒歎薄之勢稠其大半矣又必導二江以入震澤者洪水方割之日江漢挾彭蠡東行北江不能盡泄也而二江所行爲漢丹陽宛陵會稽諸郡之地又多長山峻嶺飛流激湍數日霖潦衆水交赴若是者安歸乎歸于震澤耳北江雖通不能泄而去

之也禹醜爲二渠輸之震澤復使分道入海上以泄北江不盡泄之江漢下以泄北江不及泄之衆水有北江以攝一州有二江以安數郡如是而揚州之患息矣夫使揚州之患僅在震澤則疏其下流可也然亦必上流無江漢無江漢則雍梁之水何以泄江漢者所以泄雍梁之水三江者又所以泄江漢之水禹之疏三江不自上流而安自哉後世北江尙存而二江廢矣其廢之也以其爲東吳患雖然何患耶患存海口不通耳非以二江入震澤而爲患也今使北江之海口不通能不爲患乎則使二江之海口常通詎必其能爲患乎且二江不入震澤非特無利于東也適遺患乎西何者以丹陽宛陵諸郡之水不能盡泄之北

江也泄而溪澗迂迴不能旦夕去也是故微特北江不可
無卽二江亦不可廢後世之廢二江母乃爲仲初所誤歟
夫以三江爲出自下流則上流可棄矣甚矣仲初之妄也
莽曰泰德

曲阿故雲陽

越絕書——爲雲陽縣 太康三年地記——本名雲陽
秦時望氣者云有王氣始皇使鑿之以敗其勢截其直道
使之阿曲故曰——後書包咸傳注——今潤州縣
通典今潤州丹陽縣古雲陽也秦始皇改曰——漢因之
漢丹陽郡所領之丹陽縣非今縣也 大清一統志——
故城卽今鎮江府丹陽縣治 又云按漢丹陽郡治宛陵

今寧國府所領有丹陽縣亦謂之小丹陽在今太平府當
塗縣界晉宋以後丹陽郡治建康卽今江寧府至唐天寶
初始改——爲丹陽祇取故名耳說者遂以漢晉之丹陽
混入誤矣

莽曰風美

烏傷

劉敬叔異苑東陽顏烏以純孝著聞後有羣烏銜鼓集顏
所居之村烏口皆傷一境以爲顏至孝故致慈烏銜鼓欲
令孝聲遠聞因于鼓處立縣而名爲—— 水經注穀水
又東逕——縣之雲黃山又與吳寧谿水合水出吳寧縣
下逕——縣入穀謂之——谿水 元和志今婺州金華

義烏永康東陽蘭溪武義浦陽七縣之地皆漢一一縣也
名勝志一一縣唐武德七年改名義烏今縣東四里有
顏烏墓墓東三步有故墳高一丈五尺方四十丈即烏父
母墓也一一溪去烏墓一里 大清一統志一一故城即
今金華府義烏縣治

莽曰烏孝

毗陵季札所居

左傳襄三十一年趙文子問曰延州來季子其果立乎杜
注季札邑本封延陵後復封州來故曰延州來 公羊傳
襄二十九年季子去之延陵終身不入吳國 史記吳世
家季札封于延陵故號曰延陵季子 越絕書淹君城其

城三重周回十五里即古一一城也 又云一一縣南城

在荒連上湖中冢者季子冢也名延陵墟 皇覽延陵季

子冢在一一縣暨陽鄉至今吏民皆祀之 太康三年地

記一一故延陵邑季札所居 宋書州郡志本名延陵漢

改曰一一後書彭修傳注一一今常州晉陵縣也 通

典今常州晉陵縣本春秋時延陵漢改為一一 元和志

季札墓在晉陵縣北七十里申浦之西即古延陵之境也

輿地紀勝今潤州亦有延陵鎮蓋晉分曲阿之延陵鄉

立縣而隋改丹陽亦曰延陵非古之延陵也 大清一統

志晉陵故城即今常州府武進縣治

北江在北東入海揚州川

禹貢東匯澤為彭蠡東為北江入于海 詳見前吳縣下
莽曰毘壇

餘暨

越絕書——西施之所出 世本吳熟哉始居蕃離宋忠

注熟哉仲雍字蕃離今吳之——縣 應劭曰——吳王

闔閭弟夫槩之所邑 水經注浙江又逕永興縣南縣在

會稽東北一百二十里漢末童謠云天子當興東南三餘

之間故孫權改——曰永興縣 師古曰暨音既下諸暨

同 元和志今越州蕭山縣本曰—— 大清一統志——

——故城在今紹興府蕭山縣西 按永興故漢之——縣

與餘姚餘杭而為三故曰三餘也

蕭山

寰宇記蕭山在蕭山縣西一里又名西山有林泉之勝唐

以此名縣 大清一統志——在——縣治西舊志云一

名蕭然山

潘水所出東入海

劉昭注補引魏都賦注作潛水劉良注作澆水皆潘字之

譌 水經注潘水即浦陽江之別名自外無水以應之

師古曰潘音甫元反 今水經浦陽江源出金華府浦江

縣西六十里深裊山經浦江縣界北流抵富陽入于浙江

方輿紀要浦陽江源出金華府浦江縣西六十里深裊

山謝惠連詩云朝發浦陽汭暮宿浙江湄言相近也水經

注浦陽江導源烏傷東連諸暨與泄溪合今江水經浦江縣南東流入紹興府諸暨縣界自源徂流凡百二十里始通舟楫經縣南折而北流縣境諸水皆流入焉北經山陰縣南分爲二支一西北經蕭山縣東南三十里之臨浦又北折而東經府西五十里之錢清鎮名錢清江又東入于海是錢清江卽浦陽江也一自山陰縣東南分爲小舜江又東與嵯縣剡溪之下流合經府東九十二里之曹娥廟而爲曹娥江又北至上虞縣西北五里之龍山下又西北折以入于海是曹娥江亦浦陽江分流所匯也 又云錢清江在紹興府西北四十五里浦陽江之下流也自金華府浦江縣流入諸暨縣界謂之浣江又匯流至府西南百里之紀家匯繞府境謂之錢清江又西北至蕭山縣境復折而東北經錢清鎮入于海今亦謂之西小江 水道提綱浦陽江源出浦陽縣西境之深裊山曰東溪東南流又一源出縣南之五路嶺曰南溪東北流至縣城南合而東稍北五十里有一水南自義烏西北之戚村橋北流來會又東北流經諸暨縣南曰上西江又東北至了口有上東江東南自東陽界合諸溪水來會曰浣江又北經縣城南又東北分爲二派一東北流曰下東江又西北至三港口一西北流曰下西江又北至三港口復合曰大江其分凡七十里復合也又西北流臨浦鎮西古道東至錢清者已塞今自臨浦又西北流入浙江源流三百餘里越城人舊

塞今自臨浦又西北流入浙江源流三百餘里越城人舊

稱小西江 七校水經注浦陽江源發源義烏分子諸暨是爲曹娥錢清二口其自義烏山南出者道由蒿壩所謂東小江也下流始爲曹娥其自山北出者道由義橋所謂西小江也下流始爲錢清考浦陽之名漢時所未有故班志不錄然志于浦陽東道之水則曰柯水而係之上虞卽曹娥也西道之水則有潘水而係之餘暨卽錢清也續志有潘水而失柯水至韋昭始以浦陽爲三江之一六朝時合曹娥錢清二江總曰浦陽故謝康樂山居賦所云皆指曹娥而南史爭戰之地則皆在錢清歷唐五代作志乘者尙無曹娥錢清之名故九域志以曹娥鎮屬會稽錢清鎮屬山陰可證也道元注水經以上虞江稱曹娥而錢清則

否是知曹娥爲浦陽江經流無疑矣觀南史浦陽江南北各有埭司以稽察行族胡梅磧曰浦陽江南津埭卽今之梁湖堰北津埭卽今之曹娥堰與西陵埭柳浦埭稱四埭六朝官制班班足與水道相證明蓋浦陽之水東行者當隄堰未興之日直自餘姚達于句章之境非猶夫今之曹娥也道元言之不明遂啓後人之疑耳 按今之錢清江卽古潘水也在山陰縣西北四十五里上流卽浦陽江一名豐江自金華府浦江縣流入諸暨縣界東北流合諸溪澗水爲上西江又與東江合謂之浣江又東北分爲二其正流爲下東江其西爲下西江分流七十餘里復合又北流二十里繞紹興府境始謂之錢清江西北流至蕭山縣

南又東北至蕭山縣東復入山陰縣界經錢清鎮以入于海

莽曰餘衍

陽羨

史記高祖紀封劉賈為荆王王淮東 本書功臣侯表

丁定侯靈常高帝十二年封 虞喜志林賈封吳地而號

荆王者以山命國也今吳郡西南有荆山在 界 太

康三年地記 縣本名荆谿 輿地志吳越間謂荆為

楚秦以子楚改為 後書許荆傳注 故城在今

常州義興縣南 隋志毘陵郡義興縣舊曰 平陳後

改 元和志今常州義興縣本漢 縣故城在荆谿南

寰宇記 故城在今常州宜興縣南一名蝦虎城荆

谿在縣南二十步漢志云中江首受蕪湖東至 入海

即此谿也 大清一統志 故城在今常州府宜興縣

南五里

諸暨

越語句踐之地南至于句無韋注今 有句無亭 水

經注浙江又東合浦陽江江水導源烏傷縣又東逕 縣

縣臨對江流江南有射堂縣北帶烏山故越地也先名

上 亦曰句無矣 元和志今越州 縣秦舊縣也

界內有暨浦諸山因以為名 國語補音暨音記 晏殊

類要 縣本越王允常之所居也 大清一統志

故城卽今紹興府——縣治

莽曰疏虜

無錫

史記吳太伯世家太伯之奔荆蠻自號句吳宋忠曰句吳太伯所居地名索隱曰顏師古注漢書以吳言句者夷語發聲猶言於越耳此言自號句吳當如顏解不聞別有城邑名句吳也正義曰太伯奔吳所居城在蘇州北五十里常州——縣界梅里村其城及冢見存 皇覽太伯冢在吳縣北梅里聚去城十里 陽羨風土記武王旣封周章于吳又封章少子贊于——爲安陽侯 本書功臣侯表——侯多軍武帝元封元年以東越將軍降封 皇覽太

伯冢在吳縣北梅里聚去城十里 劉昭注補——縣東

皇山有太伯冢民世修敬焉去墓十里卽舊宅井猶存

通典今常州——縣漢舊縣史記曰太伯始居吳卽此地

也東南三十里有太伯城地曰梅里鄉亦曰梅里村城東五里有皇山一名鴻山自太伯至闔閭二十三君俱都此

元和志今常州——縣漢舊縣也東三十九里有梅里

山吳太伯葬處 史記正義太伯居梅里在常州——去

東南六十里至十九世孫壽夢居之號句吳諸樊南徙吳

至光使子齊築闔閭城都之今蘇州也 方輿紀要錫山

在——縣西五里與惠山連麓而別爲一峯相傳縣之主

山也周秦間山產鉛錫古語云有錫爭——寧漢因以——

一名縣 大清一統志——故城即今常州府——縣治有歷山

毘陵志歷山在——縣西北三十里

春申君歲祠以牛

史記春申君傳城故吳墟以自為都邑 越絕書——縣

西龍尾陵道春申君初封吳所造劉昭曰今現在自是山

名非築陵道 輿地志楚考烈王封春申君以淮北一十

三城後以其地邊齊請以為郡更以江東故吳邑封之今

歷山下春申君祠黃城一十三里 通典——縣亦楚春

申君之邑 寰宇通志黃城在常州府——縣治西十二

里俗呼為黃斗城楚封春申君黃歇于此 漢書舉正按

輿地紀勝引此文春申君下有祠字又歲祠作歲祀

莽曰有錫

山陰

水經注浙江又北逕——縣西呂氏春秋云越王之棲于

會稽也有酒投江民飲其流而戰氣自倍所投即浙江也

許慎晉灼並言江水至——為浙江 通典今越州——

縣漢舊縣越絕書曰句踐小城——是也 元和志今越

州會稽——二縣並秦舊縣 寰宇記越州——縣本漢

舊縣置在會稽山北龜山上故有——之稱 會稽三賦

注蠡城范蠡所築會稽治——以來此城即為郡城 寰

宇通志秦置縣曰——以邑在會稽山之陰故也 方輿

紀要——城卽今紹興府城舊有子城吳越春秋句踐築
 小城周三里七十步一圓三方陸門四水門一又有大城
 亦曰羅城越絕書——大城范蠡所築周二十里有奇陸
 門三水門三後漢爲會稽郡治 大清一統志——故城
 卽今紹興府治 按續志云會稽郡秦置本治吳立吳郡
 乃移——然則水經注謂——縣秦會稽郡治者誤也
 會稽山在南上有禹冢禹井揚州山

夏官職方揚州山鎮曰會稽鄭注會稽在——爾雅釋
 地東南之美者有會稽之竹箭焉 左傳哀元年吳入越
 越子以甲楯五千保于會稽杜注會稽山也在會稽——
 縣南 魯語吳伐越墮會稽獲骨焉節專車 越語越王

句踐棲于會稽之上韋注會稽山名在今——縣南七里
 管子禹封泰山禪會稽 墨子禹葬會稽衣裘三領桐
 棺三寸 呂氏春秋禹葬會稽不煩人徒 山海經會稽
 之山四方郭注會稽山今在會稽郡——縣南 吳越春
 秋禹巡行天下還越會稽修治國之道因以會稽名山
 越絕書禹到大越上苗山大會稽爵有德封有功因更名苗
 山曰會稽山病死葬葦棺穿塘深二尺上無瀉泄下無邸
 水壇高三尺土階三等周方一畝 史記夏本紀禹會諸
 侯江南計功而崩因葬焉命曰會稽會稽者會計也 又
 始皇本紀三十七年上會稽祭大禹望于南海而立石刻
 頌秦德 本書司馬遷傳二十而南游江淮上會稽探禹

穴張晏曰禹巡狩至會稽而崩因葬焉上有孔穴民間云禹入此穴 皇覽禹冢在——縣會稽山上會稽山本名苗山在——縣南去縣七里 孔靈符會稽記會稽山在縣東南其上石狀如覆釜禹夢立衣蒼水使者却倚覆釜之上是也今禹廟在下秦始皇嘗配食此廟 水經注會稽之山古防山也亦謂之茅山亦曰棟山棟猶鎮也周禮所謂揚以之鎮矣山上有禹冢又有禹井 括地志禹陵在越州會稽縣南十三里廟在縣東南十一里 會稽三賦注禹陵在會稽山山之東有隴隱若劔背西向而下有定石石之右是爲禹廟背湖而南向禹廟之西中峯下有禹寺寺之後疑是葬處祠後有遺井謂禹所穿鑿故名

又云賀知章纂山記曰禹穴黃帝號爲宛委穴赤明陽明之府于此藏書焉大禹始于此穴得書復于此穴藏書然舊經諸書皆以禹穴繫之會稽宛委山里人以陽明洞外飛來石下爲禹穴今則流傳失真已不可考矣 大清一統志會稽山在今紹興府會稽縣東南十三里府志云大禹陵在山西北北五里

越王句踐本國

吳越春秋少康恐禹迹宗廟祭祀之絕乃封其庶子于越號曰無餘 史記越世家越王句踐其先禹之苗裔帝少康之庶子封于會稽以奉禹祀 春秋世俗譜越姒姓其先夏后少康之庶子封于會稽自號於越於者夷言發聲

也濱在南海不與中國通後二十餘世至允常始伐吳子
句踐是爲越王 賀循會稽記少康少子號曰於越越國
之稱始此 水經注夏后少康封少子杼以奉禹祀世歷
殷周至于允常列于春秋允常卒句踐稱王都于會稽吳
越春秋所謂越王都埤中在諸暨北界——康樂里有地
名邑中者是 大清一統志越王城在今會稽縣東南一
十里會稽山上舊志云秦縣治此

有靈文園

本書外戚傳高祖薄姬文帝母也父吳人生薄姬而死——
因葬焉文帝尊爲靈文侯會稽郡置園邑三百家奉守
寢廟 後書鄭弘傳注引謝承書曰弘少爲靈文鄉嗇夫

史記索隱顧氏按冢墓記薄父冢在會稽縣西北檝山
上今猶有兆域檝音莊洽反

丹徒

左傳襄二十八年齊慶封奔吳吳句餘予之朱方杜注朱
方吳邑 又昭四年楚靈王使屈申圍朱方克之 史記

絳侯世家吳王濞棄其軍而與壯士數千人亡走保于江
南——南徐明記秦時望氣者言其地有天子氣始皇
使赭衣徒三千人鑿京峴山以敗其勢故名——又云

吳王濞葬——縣南其地名相唐 太康三年地記吳王
濞反走——越人殺之于此城 宋書州郡志——縣本
名朱方後名谷陽秦曰——括地志——故城在今潤

州——縣東南十八里吳王濞冢在縣東練辟聚北今入
于江 元和志今潤州郭下——縣本吳朱方地後改谷
陽秦又改——又常州武進縣亦——地吳大帝所改
大清一統志——故城在今鎮江府——縣東南新志云
卽今——鎮土人稱爲舊縣

餘姚

孝經援神契舜生於姚墟 帝王世紀舜母名握登生舜
于姚墟因姓姚氏 周處風土記舜東夷之人生姚邱故
姓姚氏此是支庶所封故曰—— 水經注——縣城南
臨江津北背巨海夫子所謂滄海浩浩萬里之淵者也縣
西去會稽一百四十里因其句餘山以名縣 元和志越

州——縣本漢舊縣舜後支庶所封之地舜姚姓故曰——
大清一統志——故城卽今紹興府——縣治 按
括地志姚墟在雷澤縣東十三里唐之雷澤卽漢之咸陽
今山東曹州府之濮州也此處疑出附會

婁

通典今蘇州崑山縣漢——縣地因吳之——門爲名 元和
志今蘇州崑山縣本秦漢——縣其城乃吳子壽夢所築
吳郡志——縣今謂之崑山縣縣東北三里有——縣村蓋故
縣治所也 大清一統志——縣故城在今蘇州府崑山縣
東北又太倉州亦漢——縣地 按續郡國志吳郡十二城
有安縣無——縣蓋訛——爲安耳校書者不能是正疑有脫

漏又增一於無錫之後并改十二城為十三城盧熊蘇州府志遂謂東漢省錢塘而增安縣又謂建安中孫權以安縣屬屯田典農校尉當在無錫以西然沈約志初無是說知盧說之臆造也

有南武城闔閭所起以候越

越絕書一北武城去縣三十里今為鄉 王鰲姑蘇志崑

山縣有武城村在朱塘鄉三四保 大清一統志南武城

在今崑山縣西北

莽曰婁治

上虞

泰康三年地記舜避丹朱于此故以名縣百官從之故縣

北有百官橋或曰禹與諸侯會事訖因相虞樂故曰一一

二說不同未知孰是 水經注浦陽江水又東逕一一縣

南縣本鹽都尉治也地名虞賓亦謂是水為一一江 後

書度尚傳注一一故城在今越州餘姚縣西有虞山在縣

東 史記正義餘姚縣西七十里有漢一一故縣會稽舊

記云舜一一人去虞三十里有姚邱即舜所生也 元和

志今越州一一縣故城西枕一一江江在縣西二十八里

大清一統志一一故城在今紹興府一一縣西北府志

云在縣西北四十里百官市

有仇亭

水經注仇亭在縣東北一十里

柯水東入海

水經注柯水疑卽一一江也又東北逕永興縣東與浙江合謂之浦陽江 名勝志一一江源自剡溪來東折而北至曹娥廟前名曹娥江又北至龍山下名舜江又西北折入于海 方輿紀要曹娥江在紹興府東北十二里剡溪之下流也自嵯縣流入界東折而北至曹娥廟前又北至一一縣龍山下名舜江又西北折入于海亦謂之東小江 又云一一江在紹興府一一縣西三十里卽曹娥江也 自會稽縣東經縣西南東山下曰琵琶圻亦曰琵琶洲曹娥廟當其處西去府城七十五里乃運河渡口也又經縣西四十里蔡山東麓曰蔡山渡又北至龍山亦謂之舜江

又西北折入于海 水道提綱曹娥江卽古剡溪源出天台及東陽經新昌西北爲三溪至嵯縣南而西港來會曰剡溪稍東折東北經浦口又北流經清風嶺嶠浦三界過東山至嶠壩東南爲曹娥江又名一一江北稍西經梁湖及百官鎮西又東北會夏蓋湖水至漈海所西入海此水越人稱曰東小江源流四百餘里 地理志稽疑柯水當卽今之曹娥江張元汴謂卽山陰柯橋之水謬甚 按柯水卽今曹娥江上流曰剡溪自嵯縣北流入會稽縣界曰曹娥江又北入一一縣界亦名一一江經龍山下亦曰舜江又西北至三江口入海

莽曰會稽

海鹽故武原鄉有鹽官

越絕書吳伐越道逢大風匹馬啼嗥因名馬嗥城今一一

縣即馬嗥城也亦名禦越城 泰康三年地記吳有鹽官

縣漢一一縣也 續郡國志劉昭注補按今計偕簿縣之

故治順帝時陷而為湖今謂為當湖大旱湖竭城郭之處

尙可識也 水經注吳王濞煮海為鹽于此東出五十里

有武原鄉故越地也秦于其地置一一縣後縣淪為柘湖

又徙治武原鄉改曰武原縣安帝時武原之地又淪為湖

今之當湖也後乃移此 通典今蘇州海鹽縣本名武原

鄉秦以為一一縣 元和志今蘇州海鹽縣本秦縣漢因

之又杭州鹽官縣亦一一地 寰宇記今秀州一一縣本

吳縣武原鄉秦置縣漢因之按吳郡記云海濱廣斥鹽田

相望即一一與鹽官之地同也 九域志秀州一一縣有

鹽監一鹽場三 地理通釋漢鹽官在東南者不多會稽

纔一廣陵有之遺利猶在民也 大清一統志一一故城

在今江南松江府華亭縣南六十五里浙江嘉興府平湖

縣東南當湖在平湖縣東門外周四十餘里一名鸚鵡湖

俗呼東湖即後漢時一一縣陷處鹽官故城即今杭州府

海寧州治本亦一一縣地

莽曰展武

剡

師古音上冉反 晉書音義上檢反又羊檢反 集韻時

染切 方以智音閃 水經注浦陽江水又東流南屈又東迴北轉逕一縣東縣開東門向江江廣二百餘步自昔耆舊相傳縣不得開南門開南門則有賊盜江水翼縣轉注故有東渡西渡焉 元和志今越州一縣漢舊縣也故城在今縣理西南十二里一溪出縣西南北流入上虞縣界為上虞注 白居易沃州記東南山水越為首一為面始皇東游使人鑿此山以洩王氣今山南一坑是也 方輿輿勝覽一溪在今嵯縣南一百五十步一名戴溪 方輿紀要一山在今紹興府嵯縣西北支隴環十數里水流山下為一溪縣城蓋跨山臨溪云 大清一統志一縣故城在今紹興府嵯縣西南一山在縣治後一水在縣南

莽曰盡忠

由拳

師古曰拳音權 搜神記秦始皇東巡望氣者云五百年後江東有天子氣始皇乃令囚徒十萬人掘汙其地表以惡名曰囚拳後改為一一 神異傳一一縣本秦時

長水縣也始皇時縣有童謠城門有血城陷為湖有老嫗聞之告于門將門將俟嫗去後殺犬以血塗門忽大水至縣遂淪陷為谷因曰長水城水為谷水 水經注谷水出吳小湖逕一一縣故城下吳記曰谷中有城故一一縣治也始皇惡其勢王表以汙名改曰囚拳亦曰一一即春秋之樵李城也 後書張武傳注一一故城在今蘇州嘉興

縣南 元和志今蘇州嘉興縣本春秋時長水縣秦爲一
一縣漢因之 寰宇記故一一縣在今秀州嘉興縣南五
里秦始皇見其山上出王氣使諸囚合死者來鑿此山其
囚倦並逃走因號爲囚倦山遂置囚倦縣後人語訛便名
爲一一山其處出好藤紙 九域志馬塘堰圖經云秦始
皇三十七年東游至此改長水縣爲一一縣過水爲堰以
厭水市之謠其隄旣立斬馬以祭之因名 輿地紀勝一
一縣本名長水縣初土人謠曰水市出天子始皇東游過
此見人乘州水中交易應其謠遂改爲一一 大清一統
志一一故城在今嘉興府嘉興縣南
柴辟故就李鄉吳越戰地

師古曰辟讀曰壁 春秋定十四年於越敗吳于檣李杜
注吳郡嘉興縣南有醉李城 吳語越大夫種曰吾用禦
兒臨之韋昭注禦兒越北鄙在今嘉興言吳邊兵若至吾
以禦兒之兵臨敵之也禦兒在吳越界今爲鄉也 越語
句踐之地北至於禦兒韋昭注禦兒今嘉興語兒鄉是也
越絕書語兒鄉故越界名曰就李吳疆域地以爲戰地至
于柴辟亭 又云女陽亭者句踐入臣于吳夫人從道產
女此亭養女于就李鄉句踐勝吳更名女陽更就李爲女
兒鄉 史記東越傳樓舡軍率錢塘轅終古斬狗北將軍
封爲禦兒侯孟康曰禦兒越中地也今吳南亭是師古曰
漢書禦作語或作籓或作籓其音同 應劭曰一一古之

樵李也 賈逵曰樵李越地 水經注浙江又東逕禦兒
 鄉又東逕柴辟南舊吳越戰地備候于此故謂之辟塞是
 以越絕稱吳故從一一辟塞渡會稽臻山陰是也 史記
 正義禦字今作語語兒鄉在蘇州嘉興縣南七十里臨官
 道也 通典樵李故城在今嘉興縣南三十七里 又云
 禦兒為吳越分境之所 方輿紀要語溪在今嘉興府崇
 德縣治東南一里其地有語兒鄉語本作禦國語所謂北
 至禦兒也 大清一統志樵李城在今嘉興府秀水縣西
 南七十里柴辟亭在石門縣東南 按吳越春秋吳王夫
 差增越封西至于醉李則與闔閭戰時醉李猶為吳地也
 醉李即樵李本志作就李聲相同古通用禦兒鄉在今石

門縣亦嘉興所分之地後訛作語又作女遂多所附會耳
 大末

孟康曰大音如闕反 陸德明曰大音泰 段玉裁曰古

人大字多有讀作入聲者今惟有會稽一一縣獨存古語

耳 左傳哀十三年越伐吳王孫彌庸見姑蔑之旗杜注

姑蔑越地今東口一一縣 國語句踐之地西至于姑蔑

水經注縣是越之西鄙春秋姑蔑之地也秦以為縣

後書任延傳注一一今婺州龍邱縣也東觀記曰秦時改

為一一 元和志今衢州信安常山龍邱須江盈川五縣

並春秋姑蔑之地漢之一一縣也又處州遂昌縣亦一一

地 九域志東陽記云姑蔑城在穀水南三里 方輿紀

要龍邱山在今衢州府龍游縣東四十里有九石特秀亦曰九峯山以狀若芙蓉亦名芙蓉山 大清一統志——故城卽今衢州府龍游縣治姑蔑城在縣北

穀水東北至錢唐

屬本郡

入江

水經注穀水源西出——縣 元和志穀水在衢州須江縣東南一里 九域志衢州常山龍游二縣並有穀水穀溪源在龍游 方輿勝覽穀溪出西安合江山常山二縣之水 寰宇通志穀溪在衢州府龍游縣北五里漢志——有穀水唐置穀州以此 方輿紀要衢江在衢州府城

西源出仙霞嶺經江山縣東又北流至城西南入信安溪曰雙港口經城西又遶出城北東流至城東十五里鷄鳴山下合定陽溪亦曰衢巷亦曰信安江卽古穀水也 又云穀溪在龍游縣北五里衢江匯信定安陽諸溪流入縣界經縣西南三十里一名盈川溪至縣北名穀溪唐初置穀州以此 大清一統志衢江卽古穀水也源出衢州府江山縣仙霞嶺流經西安龍游二縣北又東北入金華府楊溪縣西北又北入蘭溪縣經縣西南爲金臺灘又至蘭陰山下與婺港合統名曰蘭溪又名穀水以水文類羅穀岸多蘭茝故名蘭溪又北流四十餘里入嚴州府建德縣舊志謂入東陽江當是指婺港也 新校地理志穀水今

曰穀溪在龍游縣北五里卽信安江也下流東注與東陽江合歷嚴杭二府入于海 按元和志寰宇記方輿勝覽並作穀水太平御覽引輿地志云其水波瀾交錯狀如羅縠之文因以爲名水經注漸江水篇引此文亦作穀故唐置穀州而新舊唐志文獻通考方輿紀要並作穀非是 莽曰末治

烏程

越絕書秦始皇至會稽徙於越之人于—— 三吳土地記秦始皇時有程林烏巾二家善釀酒因改菰城縣爲——縣今有程氏橋烏亭 元和志今湖州——長城武康德清四縣秦漢——縣地 寰宇記故菰城在湖州南二

十五里楚春申君立菰城縣秦改爲——縣 大清一統志故菰城在今湖州府南二十五里舊志謂之下菰城有內城外城故址猶存

有歐陽亭

師古曰歐音烏侯反 寰宇記丹山在——縣東二十里一名烏山一名歐餘山一名歐亭山 大清一統志歐陽亭在今——縣東昇山南舊志云昔越王無疆之子蹄封于烏程歐餘山之陽爲歐陽亭侯子孫因以爲氏

句章

左傳哀二十二年越滅吳請使吳王居甬東杜注甬東越地會稽——縣東海中洲也 吳語寡人其達王于甬句

東韋注甬甬江句句章也甬句東今——東海口外洲也

越語句踐之地南至于句無韋注今——縣是也 山

海經句餘之山無草木多金玉郭注山在餘姚之南——

之北故二縣因以為名 史記東越傳天子遣橫海將軍

韓說出——正義曰——故城在越州鄞縣南一百里

十三州志句踐滅吳因大城之章靈功以示子孫故曰——

秦乃置縣 後書順帝紀注——故城在今明州鄞縣

西一百里 國語補音句音九具反按內傳釋如淳并韋

氏又並音拘 會稽三賦注——縣名秦漢以來屬會稽

郡今之寧波府鄞慈溪地也 輿地紀勝古——城在今

鄞縣南六十里 胡三省通鑑釋文辨誤——之句漢書

無音陸氏釋文音九具反如淳韋昭皆音拘惟史炤通鑑

釋文音鉤無所據 方輿紀要——城在今寧波府慈溪

縣西南三十五里城山渡春秋時越句踐所築也 大清

一統志——故城在今寧波府慈溪縣界舊志云在今縣

西南三十五里城山渡東又鄞縣南小谿鎮亦有——故

城乃晉時因孫恩之亂所改築句餘山在慈谿縣西南四

十里餘姚縣南一百十里即四明山也

渠水東入海

水經注浦陽江邊有查浦浦東行二百餘里與——接界

浦裏有六里有五百家並夾浦居列門向水甚有良田有

青谿餘洪谿大發谿小發谿江上有六谿六谿裂漑入江

地理志稽疑渠水卽水經注六谿之水也凡言渠水必皆以人力爲之——之渠水亦是居民苦江湖之斥鹵而引山溪之水爲渠以利田漑是卽所謂渠水者矣蓋六谿皆簞谿之支流簞谿入浦陽而此六谿者瀦而爲渠遂獨擅——之望雖于前記無明文然舍此六谿更無水以當之矣 又云——之渠水鄞鄞間無述之者乾道圖經以來皆不及也 新校地理志今上虞江自上虞縣西北支流分出東逕臨山衛南慈溪縣南又東入海疑卽此也

餘杭

孟康曰杭音行伍之行 廣韻餘邗縣名在吳興 史記始皇本紀三十七年至錢唐臨浙江水波惡乃西百二十

里從狹中渡徐廣曰蓋在——也顧夷曰——者秦始皇至會稽經此立爲縣 劉昭注補始皇所過乃在錢唐富春不近餘杭之界 山謙之吳興記秦始皇三十七年將上會稽塗出此地因立爲縣捨舟航于此仍以爲名 水經注浙江逕——縣左合——大谿又東逕——故縣南新縣北 元和志今杭州——縣本吳地漢以爲縣又臨安縣亦——地 西谿叢語許志仁云秦始皇捨舟於——不從舟而從木以詩一葦杭之之義 方輿紀要——城在今杭州府——縣苕溪南秦漢故縣治也 名勝志縣舊治在苕溪南後漢靈帝嘉平二年徙于溪北相仍至今 大清一統志——故城卽今杭州府——縣治縣志

云舊城在茗溪南

莽曰進睦

水經注作淮睦 義門讀書記宋本是淮睦 按南史陳

天嘉二年詔沈恪襲留異于東陽異敗恪于下淮恪退還

錢唐異以兵戍下淮及建德以備江路下淮在今嚴州府

桐廬縣東與富陽接境舊為江流扼要處其地正在此此
淮睦之所由名也

鄞

師古曰音牛斤反 後書順帝紀注音銀 晉書音義音

牛巾反 越語句踐之地東至于 葦注今 縣是也

吳越春秋縣有赤堇山故加邑為 會稽典錄陽朔元

年徙東部都尉治 或有寇害復徙句章 越絕書赤堇

之山破而出錫若耶之溪澗而出銅 後書順帝紀注 一

故城在今明州鄞縣東南 元和志今明州奉化象山二

縣台州寧海縣並漢 縣地 寰宇記故 一城在今鄞縣

南故白杜里 輿地廣記漢 縣故城在今縣東南 方

輿紀要 一城在寧波府奉化縣東五十里舊志云夏時有

堇子國以赤堇山為名堇草名也加邑為 一讀若銀即越

之 一邑矣 大清一統志 一縣故城在今寧波府奉化縣

東 一城山在縣東五十里古 一城在其下舊志云即赤堇

山相傳歐陽冶子造劍處國策破赤堇而取錫即此山有

草曰赤堇縣以此名而加邑焉

有鎮亭

輿地廣記奉化縣本漢一縣地縣西有鎮亭山 大清一統志鎮亭山在今奉化縣西南一百里縣志云山極高大南自天台西連四明綿亘數十里

有鮎埼亭

說文鮎蚌也漢律會稽郡獻鮎醬 師古曰鮎音結蚌也長一寸廣二分有一小蟹在其腹中埼曲岸也其中多鮎故以名亭埼音鉅依反 晉書音義鮎巨乙反埼音祁南越志瓊鮎長寸餘大者長二三寸腹中有蟹子如榆莢合體共生俱爲鮎取食 大清一統志鮎埼山在今奉化縣東南五十五里以近古鮎埼亭而名舊有鮎埼寨

東南有天門水入海

名勝志埼江在寧波府城東北二里卽甬江也南接奉化江西接慈谿江同會于定海之大浹東入于海 今水經鄞江其源有二一自奉化合它山之水東流經奉化縣北四十里爲奉化江一自上虞縣太平山經餘姚縣治南名姚江歷慈谿縣境東流俱至寧波府城東三港口會名鄞江東流至定海縣治爲大浹江入于海 方輿紀要奉化江在今奉化縣北二十里其上源自剩縣六詔諸嶺引流入界亦謂之剡溪亦曰剡源溪至縣西四十里公堂山又數十里疊爲九曲諸溪澗水皆附入焉又東北至縣北二十里之江口縣境東南諸溪水悉流灌焉又北至縣北四

十里之坊橋而合鄞江亦曰北渡江疑卽班固所謂天門水也 大清一統志鄞江在今鄞縣東北二里卽甬江也 奉化江自南來慈溪江自西來俱至縣東三港口合流而東入鎮海縣界爲大浹江經縣城南至縣東入海曰大浹口卽春秋所謂甬東也 皇朝通志甬江卽鄞江有二源南源曰姚江出餘姚縣西南經上虞縣南又經慈溪縣南有藍溪支溪諸水來會有二壩分爲南港東港北源曰奉化江出奉化縣西南經縣城東南有東剡溪來會北流分二支北支與慈溪二壩下流會至寧波府城南與南支合又東北與姚江之南港東港先後並會經鎮海縣南又東入于海 水道提綱寧波府通江卽鄞江有南北二源北源曰姚江亦曰舜江出餘姚縣西北八十里之太平山西北流至上虞縣南乃東北出經餘姚舊城新城中間而東又東經慈溪縣南曰前江其南有大西小西二壩東南有南港東港與奉化江南源曰奉化江亦曰北渡江亦曰東剡溪源出奉化縣西南連山蘇木嶺東北流經縣城東南而北分爲二派北派與慈溪二壩下流會又東至府城南派復合又東北至城東北與姚江之南港會又東北與東港會經鎮海縣城南卽大小浹江總匯也 又東一里至招寶山前又前曰蛟門入於海 地理志稽疑天門水疑卽今奉化江在奉化縣北四十五里其上源曰剡溪源出紹興府嵊縣界東北流凡九曲至縣西屈曲繞縣東西北

三面合鎮亭水名奉化江亦名北渡江其流始盛又東北入鄞縣合鄞江亦名甬江俱至縣東三江口合流而東入鎮海縣界爲大浹江東入海 水經注釋天門水卽奉化縣之廣平湖及大溪是也而水經注無聞焉
有越天門山

真誥天門在縣之南寧海之北半亞於海 輿地廣記象山縣本漢一縣地有東門山卽漢志所謂越天門山也 輿地紀勝天門山在寧海縣北六十里 名勝志天門山一名蜃樓門宋志作引頭門 大清一統志天門山在今奉化縣南接象山縣界府志云在奉化縣南六十里象山縣南一百二十里海中兩峯對峙其狀若門高二百丈

周二十五里明初昌國衛置此

莽曰謹

錢唐

史記始皇本紀三十七年至一一臨浙江 水經注浙江又東北流至一一縣穀水入焉穀水又東入一一縣而左入浙江浙江又東逕靈隱山山下有一一故縣浙江逕其南一一記曰防海大塘在縣東一里許郡議曹華信家議立此塘以防海水始開募有能致一斛土者卽與錢一千旬月之間來者雲集塘未成而不復取于是載土石者皆棄而去塘以之成故名錢塘焉 後書朱雋傳注一一今杭州縣也 通典今杭州所理一一縣本漢舊縣 元和

志劉道真——記云昔邑境逼近江流縣理靈隱山下今
餘址猶存 演繁露世說注——記云昔有沈姓而令其
縣者將築塘患土不給用設詭曰有致土一畚者以錢一
畚易之士既大集遂諉曰今不復須矣土人皆棄土而去
因取此土以築塘岸故名錢塘非也漢書地志會稽郡有
——縣其名已久矣地名因俗傳而誤如此者甚多 義
門讀書記——自秦有此名以唐爲塘乃俗字耳 又云
吳郡圖經續記曰漢順帝永建四年分會稽爲吳郡以浙
江中流爲界故餘杭富春皆屬吳郡但前書有——靈帝
時來雋封——侯而今續志無之按戴就傳揚州刺史歐
陽參收就於——獄明當時未嘗并省蓋闕文也 大清

一統志——故城在今杭州府錢塘縣西 又云按靈隱
山下並無錢塘之跡亦萬無可作縣治之理漢志于——
西部都尉治下係以武林山武林水所出蓋言都尉治在
錢塘非謂錢塘治在武林山也劉道真作錢塘記誤以漢
志武林山三字連上都尉治作句因有縣治在靈隱山下
之說水經注復沿其誤至今俱莫能定通志所云錢塘舊
縣有四其實止有三也 又云——係秦縣至唐時始名
錢塘漢後諸史地理州郡志中所載甚明方輿紀要謂唐
以唐爲國號因加土爲塘是也水經注所引錢塘記乃紀
築唐之始與縣之得名及改名無涉 水經注釋按武林
水因武林山白澗而爲湖舊湖水通江後人築塘以隔江

湖泉與錢通用王莽改一一爲泉亭闕駟曰山出錢水可證也故湖曰錢湖江曰錢江皆以一塘分限得名華信築塘與錢之事蓋出于傳記之悠謬耳 浙江通志錢塘舊治有四一在靈山麓一在錢湖門外皆漢魏時治也一在錢塘門內今爲教場地唐縣治也一在紀家橋華嚴寺故址宋縣治也

西部都尉治

漢書商權按越絕書云漢文帝前九年會稽并故鄣郡太守治故鄣都尉治山陰前十六年太守治吳郡都尉治一一則似會稽止一都尉下文回浦南部都尉治疑後來增設但前漢既有西部亦宜有東部金石錄載永平八年會

稽東部都尉路君闕銘吳志張紘亦爲會稽東部都尉而後漢循吏伍延傳嘗爲會稽西部都尉則後漢固東西並設志稱建武六年省諸部都尉既經省并不應後漢所有前漢反無疑此志有脫漏也 按本志會稽但有西南兩部都尉而無東部據趙氏金石錄有永平八年所造會稽東部都尉路君闕銘在未分吳郡之前然則班氏蓋畧之也至建安時以張紘爲會稽東部都尉又全琮父柔因董卓之亂棄官歸詔書就拜會稽東部都尉見琮傳又孫策定江東以芮良爲會稽東部東尉見潘濬傳注並載吳志則後漢時亦未嘗省并也

武林山武林水所出東入海行八百三十里

史記東越傳樓舡將軍楊僕出武林 十三州志武林山出錢水東入海 水經注——縣南江側有明聖湖父老傳言湖有金牛古見之神化不測湖取名焉 輿地紀勝西湖在杭州西周回三十里其源出武林泉山川秀發景物華麗樓觀參差映帶左右爲天下之勝 方輿勝覽武林山在錢塘舊治之北半里今爲錢塘門裏太乙宮道院土阜是也 寰宇通志武林山在杭州府城西南十五里亦曰靈隱亦曰靈苑亦曰仙居武林水卽今西湖也 方輿紀要靈隱山在杭州府西十二里本名武林山相傳漢時——縣蓋治於山麓 西湖志西湖卽古明聖湖三面環山溪谷諸水匯而爲湖周三十里以在郡西故名西湖

一名——湖亦名上湖又有外湖裏湖後湖之稱 大清一統志按漢志——縣有武林山水經注元和志寰宇記諸書皆止稱靈隱而不詳武林葉紹翁四朝聞見錄謂武林卽靈隱自後多主其說或以城內小阜今名租山者爲武林非是淳祐志斷之云漢志明載武林山武林水所出決非城內之山可知 水道提綱西湖在杭州府城西周三十里南西北皆山疑卽古武林水不與江通爲游觀勝地其水引貫城而東出灌海寧縣田 地理志稽疑武林山卽靈隱山在今錢塘縣治西五里武林水東入海則是截錢塘江而東趨龕赭以達于海不然不得云東入也計其里數不及二百何云八百三十里耶 水經注釋按說

文有漸江又有浙江云江水東至山陰爲浙江則黟縣之
漸江至錢塘乃有浙名班志有漸江無浙江漸江下但云
東入海不計道里之數至錢塘武林水亦云東入海行八
百三十里補此一白以見漸江之卽浙江也武林水旣入
于江則是合江流而東入于海推本源流所行恰有此數
亦非孟堅誤記也武林水卽錢水今杭人所謂西湖者是
莽曰泉亭

鄮

孟康曰音貿 後書順帝紀注音茂 晉書音義莫侯反
後書順帝紀注一今越州縣也 元和志今明州一縣
隋平陳省入句章 十道四番志一山在鄞縣東以海商

持海貿易於此故以名一遂以名縣而加邑焉 寰宇記

漢一縣居一山之陰 名勝志按陸雲集云秦始皇南巡

會稽留一縣三十餘日是一縣已置自秦矣 方輿紀要

一山在今寧波府東三十六里或云卽府東四十里之阿

育王山 大清一統志一縣故城在今寧波府鄞縣東府

志云在縣東三十里一名官奴城相傳漢光武嘗賞田奴

爲一令故名一山在縣東三十里

莽曰海治

富春

水經注浙江又東北入富陽縣故一一也又東北逕富陽
縣南 後書嚴光傳注富陽本漢一一縣避晉簡文帝鄭

太后諱改曰富陽 元和志今杭州富陽縣本漢一縣
又新城縣亦一縣地又睦州建德桐廬分水壽昌四縣並
一一地名勝志一一山在嚴州府桐廬縣西一名嚴陵
山一一江自桐廬經縣界入錢塘蓋浙江之源也 大清
一統志一陽故城在今杭州府富陽縣治西北隅
莽曰誅歲

冶

本書孝惠紀三年立閩越王搖爲東海王應劭曰東海在
吳郡東南濱海師古曰卽今泉州是其地 又嚴助傳閩
王以八月舉兵于冶蘇林曰一南山名今名東一 又閩
粵傳漢五年復立無諸爲閩粵王王閩中故地都一師古

曰一地名卽侯官縣是也 會稽典錄元鼎五年除東越
因以其地爲一縣并屬會稽郡 荀悅漢紀武帝平閩越
以其地險阻數反覆終爲後世患因遷其民于江淮間而
虛其地後復爲一縣屬會稽郡 續郡國志奉安故一閩
越地光武更名 太康三年地記漢武帝名爲東一後改
爲東侯官 宋書州郡志建安太守本閩越秦立爲閩中
郡漢武帝世閩越反滅之徙其民于江淮間虛其地後有
遁逃山谷者頗出立爲冶縣屬會稽司馬彪云奉安是故
冶然則臨海亦冶地也吳錄云閩越王冶鑄地故曰安閩
王冶此不應偏以受名蓋句踐冶鑄之所故謂之冶乎閩
中有山名湛疑湛山之鑪鑄劍爲湛鑪也後分冶地爲會

稽東南二部都尉東部臨海是也南部建安是也 通典
今温州永嘉縣漢一縣地後漢改爲奉安後又以奉安東
甌鄉爲永寧縣初漢惠帝立越東海王搖于東甌卽此又
建州建安縣福州閩縣並漢一縣地 元和志按一卽今
台州奉安故縣是也後漢改爲東侯官吳於此立曲船都
尉主謫徙之人作船於此 輿地廣記漢誅閩越徙其民
以空其地有遁逃山谷者後頗出焉乃立爲一縣以越王
句踐冶鑄之所也 大清一統志一縣故城在今福州府
閩縣東北一山之麓 皇朝文獻通考按今福建全省皆
漢時會稽郡一縣地惟漳州府之浦漳詔安二縣兼有南
海郡揭陽縣地大約當日海濱斥鹵生齒未繁統屬之一
縣而已

回浦

後書徐登傳注奉安本名一一光武改爲奉安故城在今
台州臨海縣東南 元和志今温州永嘉安國橫陽樂城
四縣台州臨海唐興黃巖樂安四縣處州松陽縣並漢一
縣之地 輿地紀勝奉安城在今臨海縣東一百一十
五里本漢一一縣 大清一統志漢一一縣後漢曰奉安
故城在今台州府臨海縣東南一百十五里 義門讀書
記郡國志云奉安故治閩越地光武更名劉昭注引晉太
康記曰本鄞縣南之一一鄉章帝章和元年立未詳按前
書有一一縣南部都尉治注家不就前書核其沿革而泛

引地託以爲鄉名何也 又云通鑑注引隸釋云當云奉
安故——章帝更名東侯官故治閩越地光武更名于文
乃足此郡之末有東部侯國四字却是衍文侯與候相近
而南部所治故文有錯亂

南部都尉治

輿地紀勝台州臨海郡通典以爲秦屬會稽而元和志以
以爲屬閩中按元和志于台州下書云秦并天下置閩中
郡漢立南部都尉是元和志以爲在秦州屬閩中郡在漢
則屬會稽郡意者秦并天下盡取甌閩之地置閩中郡漢
封東越王以王其地及武帝平東越盡徙其民江淮間而
閩中郡不復再置第置冶縣以撫其遺民冶縣旣隸于會
稽而回浦亦爲會稽之屬邑則是東越之亡而閩中郡地
已并入會稽郡與元和志之說相應漢旣不置閩中郡而
以秦閩中故地置爲冶縣及回浦縣并屬會稽郡故秦三
十六郡之中旣有會稽又有閩中漢志但有會稽而無閩
中此元和志所書所以有秦漢之異也 又云元和志云
南部都尉本漢之回浦鄉分立爲縣詳其文卽是立南部
都尉之時并分回浦鄉爲回浦縣也 新校地理志太平
御覽引此作東部輿地記云永嘉郡本會稽東部地則作
東爲是

漢書地理志補注卷三十九

丹揚郡

常熟 吳卓信 編纂

徐廣史記音義江南者——也秦鄣郡 括地志——

故在瀾州江寧縣東南五里秦兼并天下以爲鄣郡也

晉書地理志丹揚山多赤柳在丹揚縣西也 輿地紀勝

姑孰志云丹陽自晉宋以後史書雜用陽揚二字按江南

地志漢丹陽郡北有赭山丹赤故名丹陽晉地理志注云

丹陽山多赤柳故爲丹揚二說皆通又寰宇記池州石埭

下引顧野王輿地志云陵陽縣晉太康時以杜皇后諱陽

遂改爲南陵縣則陽字恐避杜皇后諱改易偏旁亦未可

知今姑兩存之又蘄陽縣亦以太康元年改爲蘄春休陽縣晉武平吳改爲休寧則丹陽之改爲丹楊信矣 方輿

記要太平府蕪湖縣東北五里有赭山其山丹赤漢——

一蓋以是山而名 又云——秦鄣郡也今應天太平

寧國徽州池州諸府及廣德州又浙江之湖州嚴州府境

皆是其境 漢書商權丹揚郡揚字从手其屬縣丹陽則

从自而南監本俱作陽晉志或作揚或作陽紛紛不一而

屬縣則作楊且注云丹楊山多赤柳在西也然則縣名从

木甚明而郡亦當以此得名凡从手从自疑皆傳寫誤也

按漢——今安徽寧國府之宣城涇南陵旌德太平

五縣太平府之當塗蕪湖繁昌三縣池州府之貴池石埭

二縣徽州府之歙黟二縣廣德州州治又江蘇江寧府之

上元江寧二縣鎮江府之溧陽縣又浙江杭州府之於潛

縣皆其地

故鄣郡屬江都武帝元封二年更名丹陽

三劉刊誤做曰秦分三十六郡無鄣郡鄣郡之置又不知

何帝按吳王濞傳王三郡謂會稽豫章故鄣也廣陵國注

云易王非厲王胥并得鄣郡而不得吳然則吳與鄣皆非

郡明矣實說武帝以故鄣地爲丹陽郡後人追書吳地故

云三郡此注但當云故鄣屬江都武帝置丹陽郡不知傳

寫誤故若此或班氏亦自誤也又故鄣地名自有故耳又

以其似言故物遂益郡字皆非也 地理志稽疑丹陽故

屬秦會稽郡楚漢之間分置鄣郡屬楚國高帝五年屬漢
仍屬楚國六年屬荆國十二年屬吳國景帝四年屬江都
國武帝元狩二年爲郡六年屬廣陵國元封二年更郡名
仍屬廣陵國宣帝五鳳四年復故成帝鴻嘉二年分丹陽
之黟縣爲廣德國其郡如故四年復屬于郡平帝元始二
年復爲國其郡如故 又云鄣郡楚漢之間分會稽置漢
因之見高紀以封荆年後改丹陽諸志誤以爲秦置者也
又云丹陽在秦亦屬會稽楚漢之際分爲鄣郡前志續
志晉志皆誤以鄣爲秦三十六郡之一而不復知會稽之
舊統丹陽 漢書考異劉原父謂秦三十六郡無鄣郡疑
鄣非郡名武帝以故鄣地爲——志但云故鄣屬江都

以是譏班氏之誤此眞瞽說也志云故渠故淮南故齊故
楚皆謂諸侯王國鄣非國名何以得稱故鄣乎秦無鄣郡
而楚漢之際則有之高帝紀以故東陽郡鄣郡吳郡五十
三縣立荆王是高帝之世有鄣郡矣若縣名有故鄣此猶
河南之故市涿郡之故安當時或別有取義豈可援以爲
鄣非郡之證借如劉說但當云故屬江都何必又云故鄣
而下文更名丹楊之語更不可通矣 秦漢郡國考按志
于廣陵云江都易王非廣陵厲王胥皆都此并得鄣郡而
不得吳此不言屬廣陵者厲王胥以元狩六年王廣陵至
元封二年鄣郡已更名丹陽則其地已入于漢計屬廣陵
僅八年耳故志但云屬江都 新校地理志當云景帝三

年屬江都武帝元狩二年更名丹陽舊本無景帝三年四字元狩作元封考江都王建以元狩二年自殺國除非元封也當依州郡志改正

屬揚州有銅官

本書吳王濞傳吳有鄣郡銅山濞招致亡命者鑄錢又食貨志吳東有海鹽章山之銅鹽鐵論丹鄣有金銅之山括地志銅山今宣州及潤州句容縣皆有之並屬鄣也元和志赤金山在當塗縣北十里出好銅與金類唐書地理志宣州貢銀銅器有鉛坑池州貢鐵有鉛坑寰宇記銅陵縣自漢以來皆烹銅鐵輿地紀勝銅山在繁昌縣東南五十里出好銅古所謂丹陽銅是也明統

志銅鐵鉛錫皆銅陵縣出方輿紀要銅山在湖州府西南九十五里銅峴山古稱吳采鄣山之銅是也又銅官山在武康縣西北十五里世傳吳王采銅于此山下有二坑曰銅井大清一統志冶山在六合縣東北五十里產銅鐵相傳吳王濞鑄錢于此坑冶之跡尚存

縣十七

宛陵於替江乘春穀秣陵故鄣句容涇丹陽石城胡孰陵陽蕪湖黟溧陽歙宣城

宛陵

元和志漢丹陽郡理一一縣又云今宣州宣城寧國二縣並漢一一縣地方輿勝覽宛溪在宣城縣東百步源

出峯陽山西北流三十里至城南匯爲響潭過城東與句溪合 大清一統志——故城卽今寧國府宣城縣治宛溪在宣城縣東門外源出縣東南峯山東北流三十里爲九曲河折而西澗迴繞城東爲宛溪又西北接當塗縣界又西合青弋江出蕪湖入大江
彭澤聚在西南

大清一統志彭澤聚在今宣城縣西南

清水西北至蕪湖

屬本郡

入江

元和志青弋水在宣州西五十九里 寰宇通志清弋江

在寧國府宣城縣西五十里源出涇縣及池州石埭合衆流出——入於江 大清一統志青弋江卽清水也源出池州府石埭縣之舒溪及太平縣黃山合流入涇縣西南又北入宣城縣界涇縣西六十里與南陵縣分界下流入蕪湖縣界入江其流入南陵縣者在縣東北四十里與宣城縣分界亦至蕪湖縣界入江 水道提綱魯陽江卽青弋江有三源東南源曰梅溪河出旌德縣南南源曰小溪河出太平縣南西南源曰陽溪河出石埭縣西北三源皆在黃山之北合而西流經蕪湖縣城南折而西北流經魯港鎮之東北入江 漢書考異說文冷水出丹陽——西北入江从水令聲此清水疑是冷水之譌或以清冷音義

相近別有清水之名乎 水經注釋應劭以冷道縣之冷水爲出丹陽——縣西北入江而臣瓚非之師古曰瓚說是冷水見說文卽漢志——縣下之清水令謂之清弋江豈可以冷谿目之乎 段氏說文注說文冷水卽班氏之清水應劭于零陵冷道下注引說文此條則應氏未知清冷異名同實也冷水卽今宣城縣西六十里之青弋江也 莽曰無宛

於替

續志作於潛 吳越春秋秦徙大越馬語之人置之替 吳錄——縣西有替山蓋因山以立名也 十三州志潛讀爲潛俗出好布 吳興記潛山一名百丈山相傳堯時

洪水此山潛水中不沒者百丈因名 水經注紫谿水出——縣西百丈山卽潛山也 師古曰替音潛 元和志今杭州於潛縣本漢舊縣舊字替無水後漢始加水焉又唐山縣亦——地 方輿紀要百丈山在今杭州府昌化縣西三十里高一千五百丈延袤二十里一名潛山 大清一統志——故城在今杭州府——縣治北

江乘

史記始皇紀三十七年自會稽還過吳從——渡 山謙之南徐州記京江禹貢北江春秋分嶼輒有大濤至——北激赤岸尤更迅猛 括地志——故城在今潤州句容縣北六十里地名琅邪鄉 胡三省通鑑注——縣秦屬

鄣郡 方輿紀要——城在今江寧府東北七十里本秦縣屬鄣郡 大清一統志——故城在今江寧府句容縣北秦置

莽曰相武

春穀

元和志今宣州南陵縣本漢——縣地故城在今縣西一百五十里 名勝志南陵縣西百里有鵲頭鎮鎮中有鵲尾洲又五十里有漢——故城 方輿紀要——城在今蕪湖縣西南 大清一統志——廢縣在今太平府繁昌縣西北

稜陵

王子侯表——終侯纏武帝元朔元年以江都易王子封吳錄張紘言于孫權曰——楚武王所置名爲金陵秦始皇時望氣者云金陵有王者氣故掘斷連岡故名金陵 續志劉昭注補其地本名金陵秦始皇改 宋書州郡志——縣本治去京邑六十里今故治村是也 通典今

潤州江寧縣本名金陵秦始皇改爲——漢丹陽縣在此 元和志今潤州上元縣本金陵地秦始皇時望氣者云五百年後金陵有都邑之氣故始皇東游以厭之改其地曰——塹北山以絕其勢其故縣在今縣東南四里 建康實錄——城在故臺城南八里 寰宇記故——縣城在今昇州江寧縣南五十五里——橋東北 九域志江

寧縣有——鎮又有金陵鎮 寰宇通志——城有二一
為秦縣在今應天府城東南五十里——鎮一為晉縣太
康中分淮水南為——則在城南小長干巷內 方輿紀
要——城在今江寧府東南五十里秦縣屬鄣郡 大清
一統志——故城在今江寧縣東南秦置

莽曰宣亭

故鄣

越絕書文帝前九年會稽并——郡太中治——都尉治
山陰前十六年太守治吳郡都尉治錢塘孝武元狩二年
——為丹陽郡 韋昭國語注鄣郡今——也 劉昭續
志注補——秦鄣郡所治 師古曰鄣音章 括地志秦

兼天下置鄣郡今湖州長城縣西南八十里——城是也
通典湖州長城縣西八十里有鄣郡故城即秦鄣郡縣
城也今號為府頭是 元和志今湖州安吉縣宣州廣德
縣並漢——縣地 寰宇記鄣郡故城即秦時鄣郡城今
俗號府頭是也在今湖州長興縣西南八十里 又云今
廣德軍廣德縣本秦鄣郡之地漢以為——縣 胡氏通
鑑注——縣漢屬丹揚郡其地本秦鄣郡所治故曰——
寰宇通志——城在湖州長興縣西南一百二十里秦
滅楚置鄣郡於此 潛邛劄記秦鄣郡治鄣縣漢以郡去
而名其縣曰——丹揚郡所領 大清一統志——舊城
在今廣德州治東北

莽曰候望

句容

王子侯表——哀侯黨武帝元光六年以長沙定王子封

真誥句曲地肺土良水清謂之華陽洞天 南徐州記

茅山形如已字亦名已山所謂金陵地肺也 師古曰句

讀為章句之句 後漢書涇縣近句曲山山有所容故名

通典今潤州——縣漢舊縣有茅山一名句曲山言山

形如句字之曲縣名取其義 九域志——故城在今江

寧府東九十里 名勝志茅山在今——縣東南四十五

里三峯相接周回三十里本名句曲其形如句字三曲也

道書稱為第一福金壇華陽第八洞天 大清一統志——

——故城即今江寧府——縣治

涇

韋昭曰——水出蕪湖 後書明帝紀注——縣今宣州縣故

城在縣東南有涇水出蕪湖因水立名 元和志今宣州

涇縣本漢舊縣因——水以為名 大清一統志——縣故城

在今寧國府——縣西又旌德太平二縣亦漢——縣地——水

在縣南源出徽州府績溪縣徽嶺山名曰徽水北流入旌

德縣界又經縣南折至縣東北又北流入——縣界名曰——

水亦謂之藤溪

丹陽

史記始皇紀三十七年東巡過——至錢唐 晉書地理

志——縣——山多赤柳在西也 括地志——城在江

寧舊縣東南十五里 通典——城在太平府東北八十

里與應天府接界今為——鎮 宋祁曰——當作——楊

九域志太平州當塗縣有——鎮 景定建康志——

縣亦曰小——在江寧縣橫山鄉陶吳鎮西南十里與當

塗縣接界 熊克鎮江志漢——郡治宛陵晉——郡治

秣陵而漢晉——縣在建康之西所謂——山多赤柳是

也此鎮江之丹陽縣非漢晉之——縣也故通典云漢——

郡所領之——縣非今之——也 方輿紀要——城

在江寧府西南五十里又西南至太平府八十五里本秦

縣漢仍之 義門讀書記據晉志則陽當从木傍 大清

一統志——故城在今太平府當塗縣東 按王子侯表

——哀侯敢武帝元朔元年以江都易王子封注曰蕪湖

則是時——尚未置縣也凡本表如此者甚多

楚之先熊繹所封十八世文王徙郢

水經注江水又東逕秣歸縣城北城北對——城楚子熊

繹始封——之所都也地理志以為吳之——尋吳楚悠

隔縵縵荆山無容遠在吳境是為非也 野客叢書熊繹

所封在南郡秣歸之——漢志乃以宛陵之——為楚所

封誤矣 輿地紀勝荆之——乃在今歸州非江南也漢

志所書非是 日知錄按史記楚世家成王封熊繹于楚

居——徐廣曰在南郡枝江縣漢志以為即丹陽郡之——

一縣大謬 通雅楚熊繹始封一一則在今歸州秭歸非
後楚文王徙都江陵府枝江縣亦曰一一漢于宛陵置一
一郡隋于丹州置一一郡唐於京口置一一郡其地不一
而西漢志乃以曲阿之一一為楚所封誤矣 義門讀書
記按左傳子革曰熊繹僻在荆山則云在枝江者近之非
此一一也班氏蓋誤 漢書舉正史記封熊繹于楚居一
一正義引括地志一一在歸州非吳之一一也漢志誤
春秋大事表史記周成王封熊繹于楚居一一章懷太子
曰一一在秭歸東南又枝江亦名一一者不知楚何時所
遷通典曰楚初都一一為令秭歸後徙枝江亦曰一一蓋
諸侯遷都嘗仍舊名故有兩一一後世猶因之班氏地理

志謂楚封在一一郡一一縣者大謬 漢書顏注拾遺史

記楚世家云當周成王之時舉文武勤勞之後嗣而封熊
繹於楚蠻封以子男之田姓芊氏居一一徐廣謂一一在
南郡枝江縣是也漢志之失道元駁之可謂班固諍友以
師古之博辨楚世家之文寧不知之乃噤不吐一詞後人
所以有佞臣之誚也 大清一統志此吳地之一一也漢
置一一郡於宛陵而此為一一縣因有小一一之名吳移
一一郡治建鄴相沿至陳無遷改也若楚始封之一一一
在枝江一在秭歸與此相距皆數千里班志於此一一注
為熊繹所都而陳宣帝詔亦曰迹熊繹之遺封誤矣

石城

寰宇記池州貴池縣本漢——縣地 大清一統志——
故城在今池州府貴池縣西 志云在縣西七十里地名
鐵店亦曰茶埠潭以東西兩石山夾河如城而名
分江水首受江東至餘姚

屬會稽郡

入海

水經注江水自——分爲南江東與貴池長水合又東逕
宣城臨城縣南又東逕安吳縣又東逕寧國縣南又東逕
故鄣縣南安吉縣北又東北爲長瀆歷湖口又東至會稽
餘姚縣東入于海 尚書後案班氏謂分江水出——但
漢——廢縣今在貴池縣西七十里已無復斯水信如首

受江之說餘姚乃在浙江東岸又中隔寧國廣德湖州諸
境皆重巒疊嶂此水安得越而東過至餘姚以入海此當
闕疑 大清一統志古分江水在貴池縣西今涸考隋唐
後諸志無及分江水者近人因此詆孟堅道元之妄然言
之鑿鑿必非無據今其道雖湮未可輕訾也

過郡二

過丹陽會稽二郡

行千二百里

胡孰

王子侯表——頃侯胥行武帝元朔元年以江都易王子
封

元和志——故縣在今潤州舊江寧縣東南七十里上元縣東南亦七十里——水在縣南二里城因此名 九域志上元縣有——鎮 建康志——故城今在上元縣丹陽鄉去縣五十里淮水北古城猶存 方輿紀要——城在今上元縣東四十五里淮水之北 大清一統志——故城在今江寧府上元縣東南續志作湖熟 宋祁曰胡當作姑

陵陽

王子侯表——候嘉 元始元年以東平思王孫封

輿地志——縣以——山得名晉太康二年以杜皇后諱陽改爲南陵 水經注旋谿水出——山下逕——縣西

昔銓縣人——子明釣得白龍處後三年龍迎子明上——

——山故縣取名焉 渚官舊事琴操云楚成王剖卞和之

璞封和爲——候卽此 元和志——山在今宣州涇縣

西南一百三十里高千餘丈——子明得仙處 寰宇記

——縣城在今石埭縣東北三里——山去縣北三里高

三百五十丈廣二十五里 寰宇通志——山在池州府

石埭縣治北山自西北迤邐而來三峯連互東接宣州其

西二峯乃仙人竇子明所居之地 方輿紀要——廢縣

在今池州府青陽縣南六十里今爲——鎮 大清一統

志——故城在今池州府石埭縣東北——山在縣北五

桑欽言淮水出東南北入大江

水經注東溪水出南里山北逕——縣東即欽所謂淮水也 大清一統志淮水在今寧國府南陵縣南縣志云亦名小淮河入繁昌縣 地理志稽疑按水經注沔水篇亦引桑欽此語今宣城人呼為小淮水乃東壩之上游也 新校地理志淮水即今大通河也原曰五谿河出青陽縣南山北流經縣城西南西北至大通鎮南入江志于廬江郡云淮水出又云廬江水出——東南北入江互證者以桑氏以廬江水為淮水也

蕪湖

後書安帝紀注——縣故城在今宣州當塗縣東南 元

和志——水側漢末嘗置——縣 宣城圖經——山在

縣西南山因湖以名之漢時于湖側置——縣以其地卑畜水渟深而生蕪藻故因以名縣 寰宇記——長七里

陸游入蜀記——即于湖 方輿勝覽——在當塗縣

西南八十里源出丹陽湖 大清一統志——故城在今

太平府——縣東府志云在縣東三十里或謂之于湖城周十九里遺址略存

中江出西南東至陽羨

屬會稽郡

入海揚州川

禹貢東迤北會于匯東為中江入于海 元和志——水

在當塗縣西南八十里源出丹陽湖西北流入于大江
輿地紀勝水經云中江在丹陽——縣東南至會稽陽羨
入海今縣河東達黃池入三湖至銀林止所謂中江東至
陽羨卽此是也蘇常承此江下流常病漂沒後築銀林五
堰以窒之自是中江不復東而宣歙諸水皆由蕪湖西達
大江矣 大清一統志——在——縣東南十五里卽漢
志中江一名天成湖廣一百八十頃由荆埽港入長河
又云古中江在今——縣南東通高淳縣界亦名——水
今謂之長河卽丹陽湖南股也舊自縣東經高淳溧陽至
宜興入海自五壩築而去水乃不復東宣歙諸水皆由此
經縣西以達江故漢志云由西而東元和志則云由東而

西也

段氏說文注此禹貢職方三江之一也今——河

東接太平府南之黃池河又東接溧水縣之固城丹陽石
臼諸湖未築東壩以前諸湖匯長蕩湖而入太湖而入于
海此正古中江之道今則壩西諸水俱西流入江與古絕
異矣 按此禹貢三江之中江也寰宇記以爲卽荆谿水
今源已斷以義求之則——縣湖也與丹陽湖合由湖南
出逕高淳縣東南曰胥湖至溧陽縣南曰永陽江荆溪縣
北曰荆谿東入太湖詳見會稽郡吳縣

黟

玉篇都谷切丹陽有——縣 廣韻——縣名屬歙州黟同
師古曰音伊字本作黟 水經注縣居——山之陽故氏之

通典今歙州黟縣漢舊縣黟音伊今屬徽州府 元和志今歙州黟縣本漢舊縣理在歙州因以爲名說文黟字从黑傍多後傳誤遂寫一字又祁門縣本漢一縣之南境舊唐書地理志黟音同礬縣南石墨嶺出石墨故也歙縣圖經新安貢柿心黑水故以名縣 寰宇記黟韋昭音伊或从幼二字相似蓋傳寫之誤舊城在今縣東五里九域志黟縣在歙州西一百五十三里 南畿志黟縣本秦舊縣屬鄣郡以縣有黟山故名 大清一統志一縣故城在今徽州府黟縣東縣南有墨嶺出石墨縣以此得名 漢書發伏說文黟字从黑从多後誤作一字師古正其字誤可耳若从幼不得有伊音

漸江水出南蠻夷中東入海

說文漸水出丹揚一南蠻中東入海 又云江水東至會

稽山陰爲浙江 吳越春秋勾踐入吳羣臣送至浙江之

上望見大越山川重秀天地再清 海內來經浙江出三

天子都在蠻東入海郭注今錢塘浙江是也蠻卽歙也浙

音折 虞喜志林今錢塘江口浙山正居江中潮水授山

下折兩曲故名浙江 水經漸江水出三天子都北過餘

杭東入於海注云漸江山海經謂之浙江地理志云水出

一縣南蠻夷中北逕其縣南又北歷一山 唐六典浙江

水有三源一出歙州一出衢州一出婺州歷睦杭越三州

界入海 史記索隱韋注云浙江在今錢塘音折獄之折

晉灼音逝非也蓋其流曲折莊子所謂淞河卽其水也淞
浙聲相近 元和志浙江源自歙州界東北流經界石山
又東北經州理北又東北流入于海 盧肇曰浙者折也
取潮水出海屈折倒流也 宋祁曰武陵有漸水東入沅
疑此無漸水漸字當作浙 羅願新安志率山在休寧縣
東南四十里高五十七仞周二十一里率水出焉寰宇記
引山海經漸江出三天子都在率東蓋此山也漢志云漸
江出一縣南率山東入海唐盧潘引此以解山海經率山
今漢志率山乃作蠻中不可曉 通鑑地理通釋浙江在
臨安府錢塘縣南十二里越州蕭山縣西二十五里莊子
云淞河蓋取其曲折爲名也 歙縣圖經北黟山在縣西

北一百六十八里高一千一百七十丈豐樂水出焉舊名
黃山天寶六年敕改按江南諸山之大有天台天目而
天目近連浙江天台俯瞰滄海江海者實以地下爲百川
所歸然歙州則江之上游而海之濫觴也今計歙州之平
地已合與兩山齊矣况其山又有摩天戛石之高此則浙
江東西宣歙池饒江州等山並是此山之支脈明矣 方
輿勝覽浙江之口山居江中潮水投山十折而曲故名浙
江海潮之盛莫過于浙江以其去海至近而江流不足以
敵之耳 寰宇通志大障山在徽州府績溪縣東六十里
舊名天子障山秦立鄣郡取此又名土山浙水出焉 今
水經浙江其源有二一出徽州婺源縣北七十里浙源山

名浙溪又名漸溪東流經休寧縣南率水入之至徽州名
徽溪揚之水入焉爲灘三百六十至淳安縣南爲新安江
又東軒輕溪從北來注之又東壽昌溪從南來注之經建
德縣界至嚴州府城南合衢水一出衢州金溪北注文溪
南來會于衢州府城西二里名信安溪環城西北東流入
龍游縣界號盈川溪又東經蘭溪縣東陽水入之又東至
嚴州府城南與歙江合又東至富春山爲富春江又東至
桐廬桐江北來注之又東浦陽江南來注之又東至杭州
府城東三里爲錢塘江又東錢清曹娥二江入之又東而
入于海 又云錢清江在紹興府城西五十五里曹娥江
在紹興府城東南七十里二江並入于浙江三水所會在

紹興府城北三十里謂之三江海口 通雅水經有漸江
山海經有淞江莊子曰制河秦始皇至錢塘臨淞江吳越
春秋曰越王至浙江之上望見大越山川重秀天地再清
漸與浙淞異文耳避暑錄話曰桑欽水經兩淞獨略欽北
人未嘗至東南但取山海經爲證耳山海經三天子都在
彭澤安得至此今錢塘江乃江北之下流雖自彭澤來蓋
衆江所會不應獨取此一水爲名漸卽淞乎予按水經曰
漸江出三天子都注云山海經謂之浙江地理志水出丹
陽黟縣注云漸江水出南蠻夷中而郭璞注山海經曰浙
江出新安黟縣南蠻東入海今錢塘浙江是也黟卽歙也
今始分爲二縣三天子都今率山卽張公山也右水下饒

州彭蠡左水注浙漸江南有博江江有靈鼓成帝鴻嘉中封廣德國浙江經遂安縣有四十七瀨而合桐溪又合于潛縣北之天目山水過杭入海葉少蘊不知三天子都爲徽州率山故誤謂自彭澤來耳 方輿紀要大鄣山在績溪縣東六十里高五百三十仞周一百五十里祥符圖經云卽三天子鄣山山海誤鄣爲都水經因之秦置鄣郡以此山而名也郭璞云三天子鄣山在新安歙縣東今謂之玉山浙山出其旁 大清一統志浙水卽漸江水源出婺源縣北浙源山東流經梅溪口又東經祁門縣東南之李源仍入婺源縣東北境三十里至浮溪口受祁門之浮溪水又三十里受祁門之上璜水又東經休寧縣西七十里

之江潭務又東南合五城水汶水至縣東南二十五里與吉陽水會曰率口是爲屯溪又東四十里經歙縣東南十五里之歙浦口與練溪水合謂之新安江又東南四十里爲深渡又五十里爲街口渡東南流入浙江淳安縣界水經浙江水出三天子都注山海經謂之浙江也地理志云水出丹陽一縣南蠻中北經其縣又北歷一山又北逕歙縣東與一小溪合又東北經建德縣南寰宇記漸溪水出浙嶺下至休寧縣西一百十里又從揚之水下抵深渡名曰八十里苦溪其中亂石磔磔洪灘斗折雖三峽惡溪不足方其險圖經自浙江桐廬以上抵歙浦皆曰新安江中有灘三百六十婺源縣志浙有三源一出望仙岩流至梅

溪口一出馮村過石門至梅溪口合流東二十里至流口一出高湖尖流出大連小連經汪村過桑園潭出彭汜坑口又二十里至流口合流入休寧縣界一名漸溪此浙水正源也自郭璞以障山在歙東元和志謂浙江出休寧橫障山方輿勝覽謂浙有四源其說紛紛要當以山經地志爲正縣志所云浙水三源卽通志之率水二源舊志以率山爲卽古三天子障其說良是 又云率山在今徽州府婺源縣西北一百二十里一名大障山又名張公山脈由五嶺而北重岡複嶺周百餘里高千四百餘仞東北界休寧西北界祁門西界江西之浮梁舊志云按山海經三天子障在閩西海北 又廬浙二水皆出三天子都亦曰天

子障漢志浙江水出黟縣南蠻中唐時盧潘解山海經引漢志以南蠻中爲縣南率山始有率山之名文獻通考浙水發源張公始有張公之名今按東至回覺二嶺南至望仙岩岡嶺相接實爲一山蓋皆古三天子都之地接三天子都諸說不一以水源核之則惟率山水分陰陽其陰水東流爲浙東南至海寧入海其陽水南流爲廬西南至彭蠡入湖與山海經及水經合郭璞謂卽歙東之三王山鄜道元謂卽尋陽之廬山顧野王謂卽永康之縉雲山明吳時憲又謂黃山爲天子都匡廬率山大障山爲其東南西三障皆非也 又云大障山在積溪縣東六十里周一百五十里山海經三天子障山郭璞注在今新安歙縣東謂

之三王山浙江出其邊寰宇記一名玉山在縣東南八十里吳越于此分界舊志謂唐盧潘以丹陽舊名障郡由此山實與故障不遠也按三天子都以廬浙二源考之爲婺源之山無疑其以爲績溪之山者則後人誤據郭璞山海經注之訛文也璞既云今在新安歙縣東謂之三王山浙江出其邊又云浙江出新安一縣南蠻中東入海一謂在歙一謂在一又似一卽爲歙璞必不若是背謬且璞自云三王山浙江出其邊又云浙江出黟縣是歙縣東三字爲黟縣南訛文而三王山亦在黟不知歙可知也今之浙江雖繞績溪之東而上源歙休婺二三百里之水出自婺源並非發源于績况績溪之山並無廬水西入彭蠡可以與

山海經廬江出三天子都之文相亂耶 皇朝通志浙水有南北二源北源徽江亦曰新安江出徽州府歙縣西北與一縣界之黃山至府城西南有東界河自績溪縣來會又南有南港河自一縣經休寧縣合婺源縣之率山水東會入浙江嚴州府界南流經淳安縣南又南有龍溪自遂安縣來會經建德縣西有艾溪自壽昌縣來會經嚴州府治建德縣南源來會南源又有二一曰衢港一曰婺港衢港亦曰信安江源出開化縣北二支合流經縣東東南流經常山縣西北至衢城府城西有文溪自江山縣南仙霞嶺來會經龍游縣北有筍箠溪自壽昌縣桃溪自遂昌縣來會又東北有湯溪縣水來會又東北至蘭溪縣南婺港

來會婺港水亦曰東陽江出東陽縣東之大盆山西流有小溪來會經縣城北又西經義烏縣城南有荆浦溪來會又西有慈航溪來會至金華府城南有梅溪亦曰縉雲水自縉雲縣東北合好溪水經永康武義縣合諸水來會西流分二派南支先入衢港北支至蘭溪縣南與衢港會北流至嚴州府城東南與新安江合二江既台北流過七里瀨經桐廬縣東南有桐溪水自於潛昌化經縣界來會至富陽縣界有新城縣溪水來會又東地有湖溪自浦江縣經富陽縣界來會至縣城南有篠嶺水來會折北流東岸經蕭山縣境有浦陽江即浣江自浦江義烏諸暨山陰縣境合諸水來會入錢塘縣南境折東北流至杭州府城東南南岸即蕭山縣境又東北經蕭山縣北境又東北至龕山與北岸海寧州境之赭山相對如門入於海 水道提綱浙江之源有三一曰新安江或謂之徽港班志謂之漸江水源出徽州府西北一百二十里之一山即今黃山也經府南東流至竹節磯而入嚴州府淳安縣界經縣南東流六十里合遂安縣境之水又東九十里而經府城南合東陽江此浙江西出之源也一曰東陽江或謂之婺港水經謂之吳寧溪源出金華府東陽縣東南一百三十里之大盆山經縣南境而爲畫溪西入義烏縣界而爲烏傷溪至府城東合于南溪又西南至蘭溪縣西南六里合信安江此浙江東南別出之源也一曰信安江或謂之衢港亦

謂之穀水源出衢州府開化縣東北六十里之百際嶺經
縣城東謂之金溪又東南入常山縣境而爲金川至縣城
東合江山縣文溪水又東南經府城北而江山縣南仙霞
嶺北諸溪谷之水皆流合焉又至府城東十五里合定陽
溪又東北經龍游縣北四里而爲盈川溪亦曰穀溪又東
北經湯溪縣北境又東北經金華府蘭谿縣城西而與東
陽江合流此浙江西南別出之源也二江既合東北流百
餘里至嚴州府城東南二里而與新安江合三源同流東
過桐廬縣或謂之桐江又東北入杭州府富陽縣界而爲
富春江經縣城南又東經府城南而謂之錢塘江東北流
入海寧縣界南岸則爲紹興府蕭山縣界夾岸有山南曰

龕北曰赭二山相對謂之海門又東則錢清曹娥之水並
匯於紹興府北而爲三江海口此浙江源流之大略也

段氏說文注地志說文水經皆曰漸江水酈氏注則曰浙
江蓋水經以後無稱漸江者其前則山海經吳越春秋史
說皆曰浙江山海經有出於漢人者漢人之書地志說文
爲謹嚴據說文浙字下云江至會稽山陰爲浙江謂岷江
也曰漸江水出丹陽一南蠻中東入海謂今錢塘江也分
別畫然蓋浙江者岷江之委漸江者錢塘江源流之總稱
二水古于山陰相合故可統命名之曰浙江後世水道絕
不相通而錢塘江猶冒浙江之名失其本號耳 義門讀
書記按羅願新安志蠻夷中蠻中乃率山之誤仍衍夷字

地理志稽疑唐盧潘引志文作浙江出一縣南率山東入海見困學紀聞 漢書考異宋祁曰漸字當作浙字按水經本作浙江水子涼亦失考 萬希槐校困學紀聞水經漸江水出三天子都注云山海經謂之浙江也地理志云水出丹陽一縣南蠻中今考御覽六十五引地理志作南率中率俗作蠻蓋因字形相近而誤

成帝鴻嘉二年為廣德王國

諸侯王表鴻嘉二年封中山憲王孫雲客為廣德王三年無子國除平帝元始二年復以故廣德國立倫為王四年薨居攝元年赤嗣王莽篡位貶為公明年廢 水經注鴻嘉二年以為廣德國封中山憲王孫雲客王於此

莽曰愬虜

溧陽

史記伍子胥傳未至吳而疾止中道乞食張勃曰子胥乞食處在丹揚一一縣 又范睢傳伍子胥至於陵水索隱曰劉氏云陵水即溧水陵一聲相近 本書王子侯表建昭元年封梁敬王子欽為一一侯 說文溧水出丹陽一一从水溧聲 應劭曰溧水所出南湖也 師古曰溧音栗 元和志今宣州一一縣本漢舊縣以在溧水之陽為名又溧水縣亦一一地 祥符圖經溧水承丹陽湖東入入長蕩州丹陽湖即應劭所云南湖也 建康志溧水一名瀨水東流為永陽江江上有渚曰瀨渚即子胥乞食投

金處故又名投金瀨東流爲瀨溪入長蕩湖 又云固城
春秋時吳瀨渚縣漢——縣治在焉紹興中得後漢——
校官碑于固城湖旁故知爲漢縣治 名勝志溧水卽瀨
水吳音訛爲溧——之名本此溧山今在高淳縣界溧水
出其下南流入江溧水縣自——而分高淳縣又自溧水
而分 又云——本秦縣楚漢之際江淮之間有東陽郡
——屬焉 方輿紀要溧水在今——縣北四十里卽永
陽江也 大清一統志——故城在今鎮江府——縣西
北舊志云在縣西北四十五里今猶謂之舊縣村 又云
按溧水故道卽今胥溪河其西限于五堰東壩故不與石
臼固城諸湖接然自蕪湖東至太湖中間隔絕僅銀林十
七八里故道仍在若曹山水及舊縣江乃入溧水之別支
不可卽以爲古溧水之正源也 地理志稽疑溧水卽今
之丹陽高淳石臼諸湖也 段氏說文注張鈇曰溧水卽
永陽江之上源大江之水南會于此江上有渚曰瀨渚又
謂之陵水范曄說秦昭王子胥出昭關至陵水是也自瀨
渚東流爲瀨溪鄉民誤曰爛溪入長蕩湖又分流東行爲
吳王漕蓋五代時楊行密漕運所經也自東壩築而丹陽
湖之水不復入於溧水永陽江之源流亦滋晦矣

歙

說文鄒地名从邑翁聲臣鍇曰今作——縣也 山海經三
天子鄒山在閩西海北郭注在——縣東今謂之玉山浙江

出其邊 水經注浙江又北逕一縣東 師古曰音攝

晉書音義失輒反 元和志今一州一縣休寧婺源績溪

四縣又睦州遂安績溪二縣並漢一縣地 寰宇記一縣

有水口名一因為縣名 南畿志一縣秦置屬鄣郡以縣

南有一浦故名 大清一統志一縣舊城即今徽州府治

又休寧婺源績溪三縣並漢一縣地 又云大障山在今

徽州府績溪縣東六十里周百五十里為邑鎮山舊志云

唐一州刺史盧潘以丹陽舊名鄣郡由此山實與故鄣不

遠也

都尉治

輿地紀勝漢武帝改故鄣郡為丹陽郡而丹陽都尉分治

于一縣一縣皆屬焉

宣城

通典今宣州南陵縣漢一縣也故城在東 寰宇記宣


州一縣本漢舊縣也郡國志云故縣地名青弋 大清

一統志一一故城在今寧國府南陵縣東四十里青弋江

上漢置後漢省建安三年孫策平定一一以東二十年孫

權使蔣欽屯一一皆即故城也自隋改宛陵縣為一一而

故城遂廢



聖